

言梁 藤田久道編次
岳陽 增田貢校正

漢土 歷代
十八史略
附 三史略

版權免許
明治十二年
五月廿四日

同盟書館藏

特32
278

十八史略序

管涑水著資治通

鑑惟王益柔能一

讀史他心不能終

省軒龜谷氏序

東晉書

東晉書
編當時多好學士
而尚如是時課大
率脩西學不能專
力於漢籍所已者

待於略史也此編
薈萃全史隱括提
要凡古今治亂不
物得失瞭如掌紋

可曰為史學之梯
航青木君捐貲梓
出其裨益於後學
亦大矣

明治庚辰三月
省軒龜谷行撰



不菴市河三兼書

敍

塔水陪

頃藤田顯甫纂節史及其
成來請序文受而閱之則
自羲農訖元明又列僭偽
諸國而繁簡得衷亦非尋

岳陽增田氏序

東西金藏


常節史之比也。而獨滿清之紀闕如。先是余有清史。擊要之著。已行於海內外。卽約之以授顥甫。令爲狗續。於是上下三千餘年之

跡歷然可徵矣。凡今之著書者。猶積米苞。後來者必居其上。故取於廩而用之。亦必取後者。顧斯著亦類此。而傳播有必先於他者。


余與顥甫。追逐史林。而不知誰著鞭也。而今顥甫之筆。猶有所不足。而猶畫龍無眼。不能無憾。其及補清紀。則又如點睛之後。鱗甲

活。全篇何得不振哉。顥甫見而善之。於是乎泚筆。明治十三年三月


岳陽增田貢識



大清國二京



十八省之圖



大清國皇太后之圖



大清國皇帝之圖



大清國皇太后之圖

附圖


三

大清國皇太后之圖


大清國皇帝之圖

大清國皇帝之圖


大清京師



內城總圖



太廟之圖



歷代國號

秦

三世
二十六年

西楚
霸王

漢

東漢

自高祖凡二十四世
四百二十六年

陳

五世

越

五世

趙

十一世

韓

十一世

秦

十一世

田

七世

齊

四世

魯

三十世

宋

三十世

曹

二十世

六世

周

三十七世
八百六十七年

東周

春秋
戰國

吳

二十世

齊

三十世

晉

二十世

楚

四世

魏

九世

唐

帝堯
虞帝舜

夏

十七世
四百三十二年

商

後魏
殷三十世
六百二十九年

太古

天皇氏
地皇氏
人皇氏
有巢氏
燧人氏

三皇

伏羲
神農
黃帝

五帝

三 漢 二世 四十三 年 吳 世四 世五 晉 四世 五十二 年 東晉 十一世 百四 年

晉十 前趙 後趙 前燕 後燕 北燕 南燕 前秦 後秦 西秦 成漢

前涼 後涼 南涼 北涼 西涼 夏 南朝 宋 八世 六十年 齊 七世 廿四年

梁 四世 五十五年 後梁 世二 陳 五世 三十二年 隋 三世 三十八 年

北朝 魏 十二世 分東西 東魏 一世 西魏 四世 北齊 五世 北周 五世

唐 二十世 二百九十年 五代 後梁 二世 十七年 後唐 四世 十四年

後晉 二世 十一年 後漢 二世 四年 後周 三世 十年

五代割 吳 四世 南唐 二世 前蜀 二世 後蜀 二世 楚 六世 閩 六世 吳越 四世 荆南 五世 南漢 五世 北漢 四世

宋 九世 百六十八年 南宋 九世 百五十二 年 遼 九世 西遼 一世

金 九世 西夏 元 十世 八十八年 明 二十世 二百九十六年

歷代國號 二 夏百官表

清

光緒四年十二月迄

歷代帝都

伏羲	陳	<small>今河南之陳州府是也</small>
黃帝	涿鹿	<small>在直隸之涿州</small>
顓頊	帝丘	<small>在山東曹州府之濮州</small>
唐堯	平陽	<small>今山西之平陽府是也</small>
夏	安邑	<small>在山西之平陽府</small>
周	豐鎬	<small>今陝西之西安府是也</small>
秦	咸陽	<small>今陝西之西安府是也</small>
東漢	洛陽	<small>既註</small>
吳	建業	<small>今江南之江寧府是也</small>
西晉	洛陽	<small>既註</small>
神農	陳又曲阜	<small>曲阜者今山東之兗州府也</small>
少昊	曲阜	<small>既註</small>
帝嚳	亳	<small>在河南府之偃師縣</small>
虞舜	蒲阪	<small>今山西之蒲州府是也</small>
商	亳	<small>既註</small>
東周	洛邑	<small>今河南之河南府是也</small>
漢	洛陽	<small>洛陽者在河南府</small>
魏	鄴	<small>今彰德府之臨漳縣是也</small>
蜀	成都	<small>即四川之成都</small>
東晉	建業	<small>既註</small>

宋	建業	既註	齊	建業	既註
梁	建業	既註	陳	建業	既註
隋	長安 洛陽	既註	唐	長安	既註
宋	汴	<small>今河南之開封府是也</small>	遼	折滌府	<small>今之順天府也同地異稱</small>
金	大興府	<small>今之順天府也同地異稱</small>	元	大都路	<small>今之順天府也同地異稱</small>
明	南京	<small>後移于順天府</small>	清	順天府	<small>今之京師者明之北京也</small>

漢土十八史略附三史略

凡例

- 一三皇五帝其說不一。史記闕三皇。以黃帝顓頊帝。學堯舜為五帝。小司馬以伏羲女媧神農補作三皇。孔安國則以伏羲神農黃帝為三皇。以昊顓頊帝。學堯舜為五帝。今從孔安國之說。
- 一帝學下。兼以帝摯。帝摯高辛氏子。無道也。諸侯廢之。在位僅六年。仍以高辛氏紀年。
- 一此編僭竊閔位者。都低一字以別之。
- 一此編依司馬氏通鑑朱氏綱目袁氏綱鑑姚氏摯

十八史畧 卷之二 東亞館藏

要吳氏易知錄曾氏十八史略曠氏鑑撮等書。上始於太古。下至於清代。至清則請增田氏從其著清史肇要中抄之。

明治十三年三月

編者識

漢土 歷代 十八史略 附三史畧

目錄

卷之一

太古 三皇 五帝 夏 商

周 東周 吳 齊 晉 楚 蔡 衛 燕 魏 田 齊 魯 宋 鄭

趙 曹 陳 越 韓 秦

卷之二

秦 西楚 漢 東漢 明帝迄 霸王

卷之三

東漢 從章帝 三國 漢 魏 吳 晉

十八史畧 卷之一 目錄 東西官

十八史略卷之四

東晉 晉十六國 前趙 前燕 前秦 北燕 前涼

後趙 後燕 南燕 後秦 成漢 後涼 南涼 西涼 北涼 夏

卷之四

南朝宋 南朝齊 南朝梁 後梁

南朝陳 北朝 北周 北齊 北魏 東魏 西魏 隋

唐 後梁 後唐 後晉 後漢

後周 吳 南唐 前蜀 後蜀 楚 南漢 北漢

卷之五

宋 南宋 遼 金 西夏

卷之六

元 明

卷之七

清

十八史略卷之四 二 東西官載

漢土十八史略卷之一附三史畧

言梁 藤田久道 編次

岳陽 增田 貢 校正

太古

人皇氏

相傳八皇
九兄弟

始立九州君臣以定政教以興

飲食男女以肇

飲食男女肇

有巢氏有巢教民巢居之帝也其時穴居野處故

穴居

教民架木為巢稼穡未樹也食草木之實火化

為巢

未興也茹禽獸之血毛

教火食

燧人氏教民火食之帝也鑽木取火烹飪始興民

人得遂其生號曰遂人又曰燧人

三皇

結繩紀事

太昊伏羲氏又曰庖犧氏 姓風都陳在位一百一十五

始造書契

年○上古未有文字大事則結大繩小事則結

龍圖畫卦

小繩以記之至帝始造書契陸氏曰刻木而書其則以約事也

定嫁娶

時龍馬負圖出于河一六居北二七居南三八

神媒

居東四九居西五十居中奇偶交錯帝因而畫

卦○以龍紀官作甲曆文干相配即六十花甲也正姓

氏定嫁娶制琴瑟設網罟

女媧氏女媧即女皇也職婚媾號神媒以荊枝及

荊竹筭

竹為筭以貫髮女制始詳時共工作亂女媧滅

之女媧氏歿有共工氏葛天氏無懷氏等十五

氏後至神農氏

炎帝神農氏教民農作神而化之故謂之神農 姓姜都曲阜在位

教耕稼

一百四十年又號烈山氏又曰伊耆氏○教民

嘗草木之滋

耕稼制耒耜鑄鐻嘗草木之滋制醫藥立廩于

日中市

國日中為市是時諸侯夙沙氏叛煮海為鹽不

用帝命帝益修德其民來歸于是南至交趾北

至幽都東至暘谷西至三危莫不嚮化傳八姓

至榆罔而亡

以雲紀官

任六相

造律呂

造舟車

為貨幣

教蠶桑

黃帝軒轅氏姓公孫名軒轅有熊國君之子都涿

鹿在位百年榆罔不法蚩尤作亂帝攻榆罔于

版泉殺蚩尤于涿鹿○以雲紀官任用六相風

后安內力收攘外開明堂祀上帝造曆明時積

餘分而置閏容成作蓋天即渾天儀也大撓作甲子

隸首作算數九章算法之類伶倫造律呂取竹于嶰谷

候氣制陰陽十二律又大容作大樂樂成曰畫野

分州立步制畝作弧矢造舟車范金為貨范以

鑄制刀立幣名錢為刀以其利于民也幣以珠

幣命元妃西陵氏嫫祖司之制作大備天下文明

十二姓

五帝

○帝有四妃二十五子其得姓者十有四人別為十二姓後有姓此堯禹湯文皆黃帝子孫也

少昊金天氏姓己名摯黃帝之子以金德王號金

天氏都曲阜在位八十四年壽百歲○帝以鳥

紀官初政頗善既而九黎亂德災禍洊至

顓頊高陽氏姓姬黃帝之孫以水德王都衛在位

七十八年壽九十八歲○帝革九黎之亂命五

官金木水火土改作曆象以建寅月為曆元天下大

治

以鳥紀官

九黎

作曆象

以水德王

帝嚳高辛氏姓姬名契少昊之孫以水德王都亳封于辛號高辛氏在位七十年壽一百五歲

稷契所生

帝摯帝嚳元妃姜源生稷次妃簡狄生契三妃慶都生堯四妃常儀生摯

帝堯陶唐氏帝嚳之子摯之弟也摯無道諸侯廢

仁如天

之尊堯為天子以火德王都平陽在位七十二

茅茨不剪

年壽一百一十六歲號陶唐氏○帝仁如天智如神就之如日瞻之如雲崇儉去泰茅茨不剪飯于土簋飯于土鋤一民飢曰我飢之一民寒曰我寒之○命羲和作曆以閏月定時成歲

已定于黃帝時至是乃更無差焉耳立諫鼓設謗木萬邦協和越

諫鼓謗木

袁氏重譯來朝○作樂曰大章○帝遊於康衢

遊康衢

兒童歌曰立我丞民莫匪爾極不識不知順帝

之則有老人擊壤壤以木為之古戲樂也而歌曰日出而

帝力何有

作日入而息鑿井而飲耕田而食帝力何有於我哉又有華封人祝曰願聖人多福多壽多男

華封祝

子帝曰多福多懼多壽多辱多男多累

帝舜有虞氏姓姚堯子丹朱不肖帝受堯禪以土

以土德王

德王都蒲坂在位五十年壽一百有十歲○帝母死瞽瞍娶後妻生象瞍惑於後妻並少子嘗

耕歷山

陶河濱

元愷四凶

南風詩

上下庠

蒼梧崩

以金德王

娶塗山

過門不入

分九州

為九鼎

欲殺帝帝卒以孝聞○帝耕於歷山人皆讓畔
 陶子河濱器不苦窳所居成聚二年成邑三年
 成都○舉八元登八愷高陽氏有才于八人謂之八元謂去四凶四凶者驩兜共於是廣開言路
 彈五絃之琴歌南風之詩詩曰南風之薰兮可
 以解吾民之愠兮南風之時兮可以阜吾民之
 財兮爰作樂曰韶以夔為樂正○帝建學○帝
 養國老于上庠養庶老于下庠○帝南巡崩于
 蒼梧之野時娥皇女英從行自沈于湘水

夏百三十九年

大禹姒姓黃帝之後舜子商均不肖大禹受舜禪

以金德王都安邑在位八年壽百歲三代稱禹自大禹始

○王娶塗山氏女名曰嬌○王痛父功不就被

殛焦心瘁形者十三年過門不入躬乘四載乘水

功○初顓頊分天下為九州曰冀兗青徐揚荆

豫梁雍及堯之時以冀青地廣分冀州東為并

州冀州東北為幽州青州北為營州共分為十

二州至是王復為九州收天下美銅鑄為九鼎

上列九州之山川戶藉及所產異物以垂久遠

求諫

見罪人

玉帛萬國

戮防風

絕旨酒

鈞臺享

○王從諫如流慕善若渴懸鐘鼓磬鐸鞀以求諫曰教寡人以道者擊鼓諭以義者擊鐘告以事者振鐸語以憂者擊磬有訟獄者搖鞀出見罪人下車問而泣焉○作樂曰大夏○命奚仲為車正建旌旗旒旒以別尊卑等級大會諸侯于塗山執玉帛者萬國○建學曰校○養國老于東序養庶老于西序○王會群臣于會稽誓其功過防風氏後至王戮之○初儀狄作酒王飲而甘之曰後世必有以酒亡國者遂絕旨酒王啓禹子在位九年○王享諸侯于鈞臺有扈氏

不奉正朔王征之大戰于甘澂之

洛水敗

太康啓子在位三十九年○王荒逸畋獵于洛水

之表十旬弗歸有窮之君后羿非堯時羿也距之于

五子歌

河弗許歸國歆弟五人作歌以怨之后羿乃立

太康之弟仲康

仲康太康弟在位十三年○王命胤侯掌六師維

征羲和

時羲和荒于酒王命胤侯征之

王相仲康子在位二十七年羿篡位八年寒泥又

夏統中絕

殺羿自立三十三年夏統中絕凡四十年○時

大權歸羿王為羿所逐居商丘依斟灌斟鄩氏

寒泥殺羿

二國夏同羿不修民事棄賢臣寵寒泥泥殺羿

火康生

而奪其妻生澆也即鼻滅斟灌斟鄩氏弑王王后

一成一旅

少康相子在位二十二年○少康以依母家為仍

舊臣靡

收正澆使其臣椒求之少康奔有虞有田一成

封無餘

有衆一旅夏有舊臣靡也先奔有鬲氏至是收
灌鄩遺民興師滅泥立少康為王王命誅澆○
王封庶子無餘于越以祀禹墓自少康以來歷
王杼王槐王芒王泄王不降王扃王厘至王孔

甲

孔甲不降子在位三十一年○王淫亂諸侯多叛

王臯孔甲子在位十一年

王發臯子在位十九年

王癸發子即桀也在位五十二年○桀無道天下

進妹喜

顛也頭搖怨嘗伐有施氏諸有施氏進女妹喜桀

龍逢諫死

寵之殫民財力以媚妹喜造瓊宮起瑤臺酒池
糟隄一鼓而牛飲者三千人關龍逢進諫曰天

夏臺厄

怨民怨盡少悛乎不聽龍逢立而不去桀殺之
商湯聞而歎息桀惡之囚湯于夏臺既而釋之
太史令終古執圖法泣諫不聽遂奔商○時伊

故南巢

三恪

有莘聘

左右相

左右學

洛竭泰山崩諸侯韋氏顧氏昆吾氏黨惡為亂
商湯放桀于南巢夏後于杞封殷後于宋是謂

三恪恪者敬也
敬聖王之後也

商傳二十九主共
六百四十四年

成湯子姓名履一名天乙帝嚳子契之十三代孫
也契初封于商故稱商湯以水德王都亳建丑
改年曰紀在位十三年壽百歲○成湯聘伊尹
于有莘進尹于桀桀不能用尹復成湯尹醜夏
相成湯伐桀○成湯以伊尹為右相仲虺為左
相建學曰序養國老于右學養庶老于左學作

解網三面

六事自責

大雨

放桐悔過

樂曰大獲○成湯見獵者張網四面祝曰四方
來者皆罹吾網成湯命解其三面更祝曰欲左
者左欲右者右欲高者高欲下者下不用命者
乃入吾網諸侯皆曰成湯德及禽獸○成湯在
位遇旱七年謂十三年中遇旱有七年非連旱
七年也史又稱湯齋戒剪髮以身
代不犧牲語嘗禱于桑林之野以六事自責曰政
不節與民失職與宮室崇與女謁盛與苞苴行
與讒夫昌與言未已天大雨

太甲湯孫太丁子在位三十三年○王不明厥德
伊尹放之于桐攝政以朝諸侯既而王悔過伊

故南巢

三恪

有莘聘

左右相

左右學

洛竭泰山崩諸侯韋氏顧氏昆吾氏黨惡為亂
商湯放桀于南巢夏後于杞封殷後于宋是謂

三恪恪者敬也
敬聖王之後也

商傳二十九主共
六百四十四年

成湯子姓名履一名天乙帝嚳子契之十三代孫

也契初封于商故稱商湯以水德王都亳建丑

改年曰杞在位十三年壽百歲○成湯聘伊尹

于有莘進尹于桀桀不能用尹復成湯尹醜夏

相成湯伐桀○成湯以伊尹為右相仲虺為左

相建學曰序養國老于右學養庶老于左學作

解網三面

樂曰大獲○成湯見獵者張網四面祝曰四方

來者皆罹吾網成湯命解其三面更祝曰欲左

者左欲右者右欲高者高欲下者下不用命者

乃入吾網諸侯皆曰成湯德及禽獸○成湯在

位遇旱七年謂十三年中遇旱有七年非連旱
七年也史又稱湯齋戒剪髮以身

六事自責

代不職其語嘗禱于桑林之野以六事自責曰政

不節與民失職與宮室崇與女謁盛與苞苴行

與讒夫昌與言未己天大雨

大雨

太甲湯孫太丁子在位三十三年○王不明厥德

伊尹放之于桐攝政以朝諸侯既而王悔過伊

放桐悔過

三宗

尹奉王歸于亳太甲為商賢主號太宗厥後太戊為中宗武丁為高宗號三宗○自太甲歷沃丁太庚小甲雍己至

太戊

太戊雍己弟在位七十五年○王以伊陟尹之子之臣

桑穀生

扈為相巫咸佐之商道復興○時有妖樹桑穀

妖不勝德

生于朝一夕而拱兩手握曰拱王問陟陟曰妖不勝德

德王乃益修德三日而桑穀枯死

河決

仲丁太戊子在位十三年○亳都河決遷于囂

外壬仲丁弟在位十五年○仲丁廢嫡其後子弟

亂延

爭立亂延九世

河亶甲外壬弟在位九年○囂都河決遷于相○

復衰

商道復衰

祖乙河亶甲子在位十九年○相都河決遷于耿

相巫賢

○王以巫賢咸之為相天下大和商道復興○

自祖乙歷祖辛沃甲祖丁南庚陽甲至盤庚

遷亳

盤庚陽甲弟在位二十八年○時耿都又河決臣

更殷

民安土重遷王作書曉諭復遷于亳改商曰殷

商祚復興○自盤庚歷小辛小乙至武丁

堯陰不言

武丁小乙子在位五十九年○王居喪三年不言

夢得良弼

委政甘盤恭默思道夢帝賚以良弼使人以形

代鬼方

旁求乃得傳說于版築○鬼方恃固擾諸夏王
伐之三年而克商祚大興鬼方北胡也歷代名稱各異夏曰獯鬻殷

曰鬼方周曰獯鬻秦漢曰匈奴唐曰突厥宋曰契丹明曰韃靼○自武丁歷祖

庚祖甲廩辛庚丁至武乙

與天神博

武乙庚丁子在位四年○王徙朝歌荒淫無道嘗

射天震死

作木偶人謂之天神與之博令人代行天神不
勝乃為革囊盛血仰而射之命曰射天既而獵
于渭濱暴雷震死○自武乙歷太丁帝乙至受
辛

受辛帝乙子即紂也在位三十二年○王資辨捷

為象箸

疾智足拒諫言足飾非性汰侈好酒色始為象
箸箕子歎曰彼為象箸必為玉杯稱之而求天

獲姐己

下不足矣○王伐有蘇獲姐己王寵之時諸侯
有畔者姐己以為罰輕威不立王乃為銅柱以

炮烙刑

膏塗之加于炭火上令有罪者行輒墮炭中以
取姐己笑名曰炮烙之刑○王以西伯昌九侯

殺九郡

鄂侯為三公九侯進女子于王女不喜淫王殺之
醢九侯鄂侯爭之并脯鄂侯昌聞而竊歎崇侯

囚西伯

虎譖之乃囚昌于羑里昌乃演易作彖辭既而
昌臣散宜生闕天求美女文馬因殷嬖臣費仲

演易作彖辭

專征伐

剖比干

紂焚死

始祖經歷

而獻王王大悅曰此一物足釋西伯况其多乎
 乃釋昌昌獻洛西之地請除炮烙之刑王許之
 賜弓矢鈇鉞使專征伐昌薨子發嗣為西伯○
 王任費仲蜚廉惡來比干極諫王怒曰吾聞聖
 人心有七竅遂剖比干觀其心箕子披髮佯狂
 以受辱微子逃去以存宗祀王惡曰稔西伯發
 伐之王衣寶玉自焚死姐己并被殺殷遂亡

周傳三十五主共八百七十四年

武王姬姓名發克商有天下以水德王都鎬在位
 九年壽九十三歲○周始祖后稷名棄肇封有

公劉遷

古公遷

泰伯讓

埋枯骨

邠棄薨子不窋立不窋失官奔戎狄不窋卒子
 鞠立鞠卒子公劉立自邠遷豳自公劉以下歷
 慶節皇甫及高圉亞圉祖紺諸公至古公亶父
 共十三世古公祖紺子也古公為狄所侵自豳
 遷岐古公妃太姜生泰伯仲雍季歷季歷妃太
 任生子昌有聖瑞古公因欲傳位季歷以及昌
 泰伯知父志與仲雍託言采藥衡山逃之荆蠻
 以讓季歷季歷傳位于昌昌事季歷問安視膳
 孝養備至及為西伯發政施仁瘞埋枯骨天休
 滋至鳳鳴岐山昌行善于陰禮賢下士鬻子辛

虞芮田

呂望非熊

太公望

白魚入舟

八百諸侯

夷齊諫

采薇歌

三監

封帝王後

甲之徒皆往歸焉。○虞芮之君爭田久而不平，相與朝周，入其境耕者讓畔，行者讓路，二君感而相謂曰：我等小人不可履君子之庭，乃讓田而退。○西伯昌將出獵，卜之曰：非龍非虺，非熊非羆，所獲霸王之輔。既而遇呂尚釣于渭水，與語大悅，曰：吾先君太公曰：當有聖人適周。周因以興，子其是耶？吾太公望子久矣，因號太公望。以後車載之歸，尊為師尚父。○武王嗣位，觀兵至于孟津，比渡河有白魚躍入王舟中，既渡諸侯不期而會者八百王，乃伐紂，載西伯木主以

行時，伯夷叔齊扣馬而諫，左右欲殺之，太公望救之，王平殷夷齊隱于首陽，不食周粟，采薇而食，作歌曰：登彼西山兮，采其薇矣，以暴易暴兮，不知其非矣。神農虞夏忽焉沒兮，我安適歸矣。吁嗟徂兮，命之衰矣。有婦人謂之曰：子不食周粟，此薇亦周之草木也，遂餓而死。○王封紂子武庚，一名于啟使弟管叔、鮮蔡、度、霍、叔處相焉，是為三監封神農後于焦，黃帝後于祝，帝堯後于蓊，帝舜後于陳，又封夏后氏後于杞，封兄弟之國十五人，同姓之國四十人。○箕子朝周，過故

洪範

封朝鮮

丹書歲

捷伯禽

殷墟見宮室生禾黍乃作麥秀之歌曰麥秀漸
漸兮禾黍油油兮彼狡童兮不與我好兮聞者
皆流涕王訪天道于箕子箕子陳洪範乃封箕
子于朝鮮○王威德遠暢建學曰庠養國老于
東膠庠老于虞庠作樂曰大武通道于九夷八
蠻肅慎氏貢楛矢○初王問道于師尚父尚父
曰丹書有之曰敬勝怠者吉怠勝敬者滅義勝
欲者從欲勝義者凶

成王名誦武王子在位三十七年壽五十歲○王

幼周公攝政公抗舉世子法于伯禽王有過則

二叔流言

啓金縢

殺武庚

獻白雉

捷伯禽以示王既而管叔等流言曰公將不利
于孺子王疑公公避居東都作鴟鴞之詩以感
王會天大雷風王大恐啓金縢之匱見公冊辭
公因武王病危願以身代之辭也乃大感泣三監益不安遂與
武庚叛王命公東征殺武庚誅鮮乃封微子以
代殷後國號宋○公制禮作樂擬作周禮一書
而未成時越裳氏來朝獻白雉公曰德澤不加
君子不享其質政令不施君子不臣其人使者
曰吾國黃耆曰天無烈風淫雨海不揚波三年
矣意者中國有聖人故來朝也使者迷歸路公

指南車

遷九鼎

卜年世

作君爽

寢兵措刑

作指南車導之返國今之羅盤累其○初武

王自豐遷鎬即西後也又遷九鼎于洛邑歷代之

鼎為傳國重寶置于建都之所欲遷都于洛而未果也洛陽為

天下之中四方入貢道里皆均王乃定鼎于邾

邾即河南卜曰傳世三十卜年七百命召公卜

宅于洛是為成周即東王居西都而朝會諸侯

于東都公留輔王召公爽不悅公乃作君爽一

書以留之

康王名釗成王子在位二十六年○王克遵鴻業

寢兵措刑四夷賓服○初召公巡行鄉邑聽斷

于隴畝間廬于棠樹下及公卒人不忍伐棠樹

作甘棠之詩

昭王名瑕康王子在位五十一年○王南巡還濟

漢漢濱人以膠船進中流膠液船解王及祭音

公皆溺死○先是魯侯弟潰弑其君幽公而自

立王不能討

穆王名滿昭王子在位五十五年壽百有四歲○

王得八駿馬騎之西遊樂而忘反會徐戎作亂

王恐命造父為御而歸造父封臣蜚廉之後以

與楚伐徐徐君走彭城○初王將征犬戎祭公

甘棠詩

南巡

進膠船

八駿遊

征犬戎

作祥刑

啓母

三女奔

大電

謀父諫曰先王耀德不觀兵王不聽竟征之得四白狼四白鹿自是荒服不至○王末年命呂侯作祥刑之書以告四方本金作贖刑之典大辟亦許贖

共王名繁扈穆王子在位十二年壽八十四歲○

王遊涇上密康公從有三女奔焉密公之母曰

必致之于王物三為羣人三為衆女三為祭祭

美物也汝何德以堪之密公竟不獻王遂滅密

懿王名囂共王子在位二十五年

孝王名辟方懿王弟在位十五年○王德政不修

王室日微時大電牛馬死江漢俱凍○非子者

惡來後也善養馬王命主馬汧渭間馬大蕃息

王封之于秦使續伯益後即秦皇之祖也

夷王名燹懿王子在位十六年壽六十歲○孝王

崩諸侯立夷王時王室衰微朝覲禮廢王德諸

侯之立己也下堂而見諸侯○楚熊渠僭立三

子為王衛頃公併邶鄘之地

厲王名胡夷王子在位三十七年○王任榮夷公

聚歛之臣以專利芮良夫諫曰王人者將導利而布

之上下者也而或專之其害多矣當是時忠言

不入諸臣憂之為詩刺王變雅始作凡伯作之上帝板板之

非子封

覲禮廢

下堂見

芮良夫諫

變雅作

監謗者

蒙塵

代太子

共和政

詩召穆公作蕩上帝之詩○王虐甚國人謗
 王使衛巫監謗者告則殺之國人莫敢言道路
 以目王喜曰吾能弭謗矣召公曰是障之也
 防民之口甚于防川用壅而潰傷人必多王不
 聽國人叛襲王王出奔彘蒙塵者太子靜匿召
 公之家國人圍之召公乃以己子代太子太子
 得脫王在彘不敢歸召公周公凡伯也為且奭
 後以太子靜尚幼乃相與協和共理國事故稱
 共和

宣王名靖厲王子在位四十六年○時召公周公

中興

四征

姜后諫

不籍千畝

伯陽父言

同心輔政申伯仲山甫相助為理周道中興王
 命方叔南征荆蠻命尹吉甫北征玁狁命召虎
 征淮夷王親征徐方○王嘗晏起姜后脫簪珥
 待罪于永巷內庭長巷也曰王好色忘德亂之興自
 婢子始敢請罪王乃勤政○王晚節不振罔恤
 民事不籍千畝天子籍田千畝躬耕以勸農也虢公諫曰民之
 大事在農棄先王之大功不可也

幽王名宮涅宣王子在位十一年○時岐山崩三
 川皆震三川涇渭洛也伯陽父周柱下史老子曰昔伊洛竭而
 夏亡河竭而商亡今三川竭岐山崩周其將亡

不好笑

舉燧戲

大戎殺王

三侯平戎

乎○初，褒人有罪入女于宮，以贖，是為褒姒。王愛之，生子伯服。于是王廢申后及太子宜臼，宜臼出奔申。○王以褒姒不好笑，百方誘之。周制為烽燧，寇至則舉烽，諸侯舉兵來救。王欲褒姒為烽燧，寇至則舉烽，諸侯舉兵來救。王欲褒姒笑，大舉烽，諸侯悉兵來救，至則無寇，褒姒大笑。○王欲殺太子宜臼，申侯召大戎寇周。王舉烽徵兵，兵莫至。大戎殺王于驪山下，虜褒姒。西周遂亡，諸侯即申國。立宜臼，是為平王。是時秦襄公、鄭武公、衛武公救周，平戎秦因取周所棄地。國始大。

東遷

成申許

中王肩

舉趾高

曹劌從

乘三鼓

平王名宜臼，幽王子，在位五十一年。○幽王既遇害，豐鎬逼近，大戎不可居，乃東遷洛邑，是為東周。王室微弱，政由方伯。大夫行役過，宗周作秦離。○王遣畿內之民戍申及許。懷申侯全已之功，感鄭伯迎立之德，故為遣戍以防戎也。桓王名林，平王孫，在位二十三年。○王奪鄭伯政，鄭伯不朝。王帥諸侯伐鄭，戰于繻葛。鄭大夫祝聃射王中肩。○楚屈瑕伐羅，鬬伯比送之，曰：莫敖必敗。舉趾高，心不固，莫敖果敗。莊王名佗，桓王子，在位十五年。○初，齊伐魯，莊公將戰，曹劌請從。公鼓之，劌曰：未可。齊人三鼓，劌

竭盈分
轍亂旗靡

曰可矣齊師敗公將馳之劇曰未可下視其轍
登軾而望之曰可矣遂逐齊師既克公問其故
對曰夫戰勇氣也一鼓作氣再而衰三而竭彼
竭我盈故克之夫大國難測也懼有伏焉吾視
其轍亂望其旗靡故克之

釐王釐一作僖名胡齊莊王子在位五年○時齊侯會

柯盟

匕首劫

復三敗地

諸侯于北杏王綱廢矣宋林少穎謂王風絕于莊齊霸始于僖為王霸興衰之機
魯侯與齊侯盟于柯曹沫以匕首短劍也劫桓公
于檀上曰及魯之侵地桓公許之已而悔之欲
弗與管仲曰棄信不可遂以曹沫三敗所亡之

地與魯

子頹亂

惠王名閔釐王子在位二十五年○時子頹僭位

陳完奔

鄭厲公與虢公奉王歸王城殺子頹王賜鄭虎
牢以東地○陳公子完奔齊齊侯使為卿辭曰
羈旅之臣敢辱高位以速官謗使為工正飲桓

公酒樂公曰以火繼之辭曰臣卜其晝未卜其

夜不敢○晉假道于虞以伐虢虞公許之晉遂

會虞師伐虢滅下陽已而虢敗戎于桑田晉卜

偃曰虢必亡矣亡下陽不懼而又有功是天奪

之監而益其疾也不可以五稔於是晉復假道

假道滅虢

卜晝

唇亡齒寒

伐虢宮之奇諫曰一之為甚其可再乎諺所謂輔車相依唇亡齒寒者虢之謂也弗聽宮之奇以其族行曰虞不臘矣在此行也晉不再舉矣

襄王名鄭惠王子在位三十三年○王使召武公

受玉情

內史過賜晉侯命晉侯受玉情過歸告王曰晉侯情于受瑞其無後乎情之速禮國之幹也敬

禮幹敬與

德之與也不敬則禮不行何以長世○王命狄

富辰諫

師伐鄭以狄女為后富辰諫曰鄭有勲而王棄之狄固貪婪王又啟之女德無極婦怨無終狄

狄人亂

必為患王弗聽既而王廢狄后狄人奉惠王少子叔帶攻王王出居鄭狄人立叔帶為王居于

勤王定霸

温王使告難于諸侯狐偃言于晉侯曰求諸侯莫若勤王晉侯乃帥諸侯圍温殺叔帶納王歸

狩河陽

國晉侯定霸會諸侯于温欲因以朝王而難其名也遣使請王狩于河陽左氏謂晉侯召王以諸侯見且使王狩以

秦襲鄭

○秦穆公使三帥孟明視西乞襲鄭蹇叔送其子從而哭曰晉人禦師必于殽殽有

殽殽

二陵必死是間余收爾骨焉既而晉果敗秦師

狐之罪

于殽函獲秦三帥復釋之三帥歸穆公哭曰狐

之罪也大夫何罪且吾不以一眚掩大德

頃王名壬臣襄王子在位六年○初邾文公卜遷

于繹史曰利于民不利于君邾子曰苟利于民

孤之利也天生民而樹之君以利之也民既利

矣孤必與焉遂遷于繹己而邾文公卒君子曰

知命

邾遷繹

知命

匡王名班頃王子在位六年○莒太子僕弑其君

庶其以寶玉奔魯納諸魯宣公宣公命與之邑

季文子使司寇出諸境曰先大夫教行父事君

之禮見有禮于其君者事之如孝子之養父母

納寶玉

也見無禮于其君者誅之如鷹顧之逐鳥雀也

定王名瑜匡王弟在位二十一年○楚子伐陸渾

之戎觀兵于周郊王使王孫滿勞之楚子問鼎

之大小輕重焉對曰在德不在鼎周德雖衰天

命未改鼎之輕重未可問也楚子懼而退○王

使王季子聘于魯發幣于大夫季子歸王問魯

大夫孰賢對曰季孟其長處魯乎叔孫東門其

亡乎王曰何故對曰季孟二子儉叔孫東門二

子後後之速

簡王名夷定王子在位十四年○晉侯觀于軍府

鷹顧逐鳥雀

問周鼎

王孫滿對

季孟長處

之罪也大夫何罪且吾不以一眚掩大德

頃王名壬臣襄王子在位六年○初邾文公卜遷

于繹史曰利于民不利于君邾子曰苟利于民

孤之利也天生民而樹之君以利之也民既利

矣孤必與焉遂遷于繹己而邾文公卒君子曰

知命

匡王名班頃王子在位六年○昔太子僕弑其君

廢其以寶玉奔魯納諸魯宣公命與之邑

季文子使司寇出諸境曰先大夫教行父事君

之禮見有禮于其君者事之如孝子之養父母

也見無禮于其君者誅之如鷹顧之逐鳥雀也

定王名瑜匡王弟在位二十一年○楚子伐陸渾

之戎觀兵于周郊王使王孫滿勞之楚子問鼎

之大小輕重焉對曰在德不在鼎周德雖衰天

命未改鼎之輕重未可問也楚子懼而退○王

使王季子聘于魯發幣于大夫季子歸王問魯

大夫孰賢對曰季孟其長處魯乎叔孫東門其

亡乎王曰何故對曰季孟二子儉叔孫東門二

子侈侈之速

簡王名夷定王子在位十四年○晉侯觀于軍府

邾遷繹

知命

納寶玉

鷹顧逐鳥雀

問周鼎

王孫滿對

季孟長處

操南音

楚囚君子

祀與戎

妾不衣帛

鄢陵役

見楚鍾儀南冠而縶與之琴操南音范文子曰
 楚囚君子也樂操土音不忘舊也晉侯乃歸鍾
 儀于楚○劉康公成肅公會晉侯伐秦肅公受
 賑于社不敬康子曰國之大事在祀與戎成子
 惰其不久乎情之速如此未幾成子卒○魯侯會晉
 人伐鄭晉人執魯季孫行父以叔孫僑如欲去季孟請晉殺行父
 也范文子曰季孫相魯妾不衣帛馬不食粟奈
 何害之乃歸之○初晉伐鄭楚救鄭晉楚遇于
 鄢陵范文子不欲戰欒書卻至不從遂進戰大
 敗楚師文子及自鄢陵使其祝宗祈死曰君驕

文子祈死

殺三郤

孔氏先

有女無男

侈而克敵是天益其疾也難將作矣愛我者惟
 祝我使我速死無及于難范氏之福也已而文
 子卒三郤郤犇郤缺郤至為長魚矯所殺欒書與中行
 偃使程滑弑厲公

靈王名泄心簡王子在位二十七年○初宋微仲

微子故之弟也啓封于宋微仲嗣

生宋公稽遞傳至正考甫考

甫生孔父嘉後遂以孔為氏孔父生木金父金
 父生畢夷畢夷生防叔避華氏之禍西奔魯防
 叔生伯夏伯夏生叔梁紇紇有九女無子紇妾
 生孟皮又有足病於是求婚于顏氏顏氏問三

鄒大夫

顏氏小女

禱尼丘

孔子三歲

死不朽

老子

猶龍

青牛出關

笙鳳鳴

女曰鄒大夫雖父祖為士然其先聖王之裔今
 其人身長十尺武力絕倫雖年長性嚴不足為
 疑三子孰能為之妻小女徵在進曰從父所制
 父曰即爾能矣遂以妻之徵在既廟見以夫之
 年長懼不時有男而私禱尼丘之山以祀焉生
 孔子因名丘字仲尼孔子三歲而叔梁紇卒葬
 于防○魯叔孫豹如晉范士句逆之問曰死而
 不朽何謂也豹曰太上有立德其次有立功其
 次有立言此之謂不朽若保姓受氏世不絕嗣
 無國無之祿之大者不可謂不朽○李耳者楚

苦縣人也字伯陽謚曰聃為守藏吏耳無為自
 化清靜自正人稱老子孔子適周問禮于老子
 老子曰良賈深藏若虛君子盛德容貌若愚孔
 子曰老子其猶龍乎老子嘗乘青牛過函谷關
 關令尹喜見紫氣從東方來曰必有真人至此
 老子至以所著道德五千餘言授喜西去○靈
 王崩太子晉一名喬好吹笙作鳳鳴遇浮丘伯仙
 去於是母弟貴立

景王名貴靈王子在位二十五年○鄭子皮欲使
 尹何為邑子產不可子皮曰使往而學焉亦愈

俞知治

美錦學製

孔子為委吏

子朝亂

敬王立

殺子朝

知治矣子產曰是猶未能操刀而使割也子有美錦不使人學製焉僑聞學而後入政未聞以政學也○魯以孔子為委吏

敬王名句景王子在位四十四年○先是景王寵庶子朝景王崩子朝作亂單子攻之乃立王子猛是為悼王未幾卒於是敬王立子朝入王城自立王居于狄泉己而晉師與單子劉子攻子朝王始入王城子朝奔楚王使人殺之○鄭伯如晉子太叔相見范獻子獻子問曰若王室何對曰老夫子太叔自稱其國家不能恤敢及王室抑

養不恤緯

王室蠹々

尼谿田

顏回對

佚民佚馬

習禮大樹下

人亦有言曰發不恤其緯養寡婦也織者常苦緯少而憂宗周之隕禍將及己焉今王室實蠹蠹焉吾小國懼矣然大國之憂也子其早圖之獻子懼而與宣子圖之○孔子適齊景公欲封以尼谿之田晏子不可孔子遂行○魯侯問于顏回曰子亦聞東野畢之善御乎對曰善矣然其馬必佚同逸昔帝舜巧于使民不窮民力造父巧于使馬不窮馬力故舜無佚民造父無佚馬自古及今未有窮其下而能無危者也○孔子適宋與弟子習禮大樹下桓魋欲殺孔子伐其樹孔子適鄭

喪家狗

臨河不濟

陳蔡厄

率曠野

書社地

卷之十一

東西餘錄

鄭人曰東門有人累々若喪家之狗孔子適衛將西見趙簡子至于河聞竇鳴犢舜華殺死臨河而歎曰丘之不得濟此命也夫此二人者賢大夫也君子惡傷其類乃反于衛孔子自蔡如葉反于蔡楚子使人聘之陳蔡大夫謀曰孔子用于楚陳蔡危矣乃發徒圍之于野孔子曰詩云匪兕匪虎率彼曠野吾道非耶子貢曰道大天下莫能容顏淵曰不容然後見君子楚子興師迎之乃得至楚楚子將封以書社地七百里子西沮之○齊伐魯及清孟孺子洩帥右師邴洩為右冉求帥左師樊遲為右魯師及齊師戰于郊齊師自稷曲魯師不踰溝樊遲請三刻而踰之衆從之師入齊軍已而右師奔齊人逐右師孟之側反字後入以為殿林不狃戰死既而齊師不整亦遁冉有請逐齊師季孫不許是役也冉有用矛于齊師故能入其軍○孔子不用于魯乃定禮正樂序書自唐虞至秦繆刪古詩三千為三百五篇笙詩六篇無辭晚而喜讀易章編三絕古者竹為簡貫之熟皮至于三次斷絕言讀易之勤也○孔子觀魯桓公之廟有歌器曰吾聞宥坐之器帝王有宥我虛

樊遲請溝

孟之反殿

冉有用矛

定禮刪詩

章編三絕

歌器

之廟有歌器曰吾聞宥坐之器帝王有宥我虛

卷之十一 二五

持滿道

損之道

金人銘

慎々涓々

則欹中則正滿則覆明君以為至誠故常置于
 坐側顧謂弟子曰試注水焉遂注之水中則正
 滿則覆孔子歎曰物烏有滿而不覆者哉子路
 曰持滿有道乎子曰聰明睿知守之以愚功被
 天下守之以讓勇力震世守之以怯富有四海
 守之以謙此損之又損之道也○孔子觀周
 入后稷之廟有金人焉三緘其口而銘其背曰
 古之慎言人也戒之哉毋多言多言多敗無多
 事多事多患勿謂何傷其禍將長勿謂何害其
 禍將大勿謂不聞神將伺人箴々不滅炎炎若

泉斧柯

福根禍門

下之後之

天道無親

單父治

任人與力

何涓涓不壅終為江河毫末不札將尋斧柯慎
 福之根也口禍之門也強梁者不得其死好勝
 者必遇其敵君子知天下之不可上也故下之
 知衆人之不可先也故後之温恭慎德使人慕
 之執雌持下人莫踰之我雖尊高人弗我愛江
 湖長于百川以其卑也天道無親而能下人戒
 之哉孔子謂弟子曰小子識之○宓子賤理單
 父彈琴而單父理巫馬期以星出以星入單父
 亦理期問其故子賤曰我任人故逸子任力故
 勞○越石父賢在縲紲中晏子贖之載以歸已

其歸請絕

訕伸

晏御揚々

泰頽梁壞

奠兩楹

而越石文請絕晏子曰嬰免于厄何求伸之
 速也曰君子訕于不知己而伸于知己○晏子
 為相其御之妻從門間窺其夫請去夫問故曰
 晏子為相尚自下子為人御意氣揚揚妾故求
 去○孔子蚤作負手曳杖逍遙于門歌曰泰山
 其頽乎梁木其壞乎哲人其萎乎子貢聞之曰
 泰山頽將安仰梁木壞將安仗哲人萎將安放
 夫子殆病也趨而入夫子曰明王不興天下莫
 能宗予予疇昔之夜夢坐奠于兩楹之間殷人
兩楹之間孔子予殆將死也寢疾七日而歿魯哀

不遺一老

公誅之曰昊天不弔不慈遺一老俾屏余一人
 以在位執執余在疚嗚呼哀哉尼父母自律律法

元王名仁敬王子在位七年

貞定王名介元王子在位二十八年子去疾立是

兄弟相殺

為哀王立三月弟叔弒之而自立是為思王立
 五月少弟嵬又殺叔而自立

考王名嵬貞定王子在位十五年○王封弟桓公

東周

揭于河南其後東周君名班即桓公揭之曾孫也

威烈王名午考王子在位二十四年○周初命晉

三晉

大夫魏斯趙籍韓虔為諸侯春秋以降大夫滅其君天子爵賦臣

安王名驕威烈王子在位二十六年

烈王名喜安王子在位七年○時齊威王來朝空

音足

合從

顯王名扁烈王弟在位四十八年○燕趙韓魏齊

擯秦

楚合從以擯秦以蘇秦為從約長并相六國

慎靚王名定顯王子在位六年○楚趙燕韓魏同

五國敗

伐秦攻函谷關五國之師皆敗走

赧王名延慎靚王子徙都西周在位五十九年○

孟子七篇

孟軻卒門人公孫丑萬章之徒相與記其所言

羊攻虎

為書七篇○秦使張儀說楚韓齊趙燕連衡以

事秦儀說楚王曰為從者殆猶驅羣羊攻猛虎

千鈞垂卵

也不格敵也明矣說韓王曰夫戰孟賁烏獲之士

以攻不服之弱國無異垂千鈞于鳥卵之上必

無幸矣說齊王曰大王不事秦秦驅韓梁趙攻

為兄弟

之雖欲事秦不可得也說趙王曰為大王計莫

如與秦約為兄弟之國說燕王曰大王不事秦

易水長城非大王有也已而諸侯聞儀與秦王

有隙皆畔衡復合從○秦使甘茂約魏伐韓茂

同姓名

投杼

謗書一僅

挾韓議

至魏使人還請秦王曰魏聽臣矣然願王勿伐秦王迎茂息壤而問其故對曰魯人有與曾參同姓名者殺人入告其母母織自若也及三人告之則其母投杼下機臣之賢不若曾參王之信臣不如其母恐王之投杼也魏文侯令樂羊攻中山三年拔之返而論功文侯示之謗書一篋臣羈旅之臣也樗里子公孫奭挾韓而議之王必聽之是王欺魏王而臣受公孫侈宜陽之守臣之怨也故臣願王勿伐也秦王曰請與子盟乃盟于息壤既而茂攻宜陽五月而不拔樗里子

息壤在彼

入函關

三城七

河南封

公孫奭果爭之秦王欲罷之茂曰息壤在彼言盟息壤不可聽讒也秦王乃悉兵佐茂遂拔宜陽○公孫衍者魏曰犀首與蘇秦張儀並以說顯○齊韓魏伐秦入函谷關秦昭王謂樓緩曰寡人欲割河東而講對曰講亦悔不講亦悔講則三城亡必悔也不講則咸陽危亦悔也秦王曰均吾悔也寧亡三城而悔無咸陽而悔也

東周君

初考王封其弟于河南是為桓公桓公卒子威公立威公卒子惠公立惠公以長子為西

取寶器

周公又封少子于鞏仍襲父號曰東周惠公

此東西二周之稱又以此秦盡取寶器遷西周

公于蕞狐聚己而東周君與諸侯謀伐秦秦

王使呂不韋滅之遷東周君于陽人聚周遂

不祀

吳

逃荆蠻

初泰伯與仲雍逃荆蠻及武王伐商封仲雍

五世孫周章為吳伯又封章弟虞仲于虞周

始通

章十五世至壽夢始通中國先是楚莊王伐

夏姬色

陳陳夏徵舒之母夏姬色甚美莊王欲娶之

教戰陣

申公巫臣諫止之楚令尹子反亦欲娶之巫

臣又諫子反亦不敢娶後巫臣竟娶之以奔

晉子反以為賣己遂族巫臣之家巫臣憾之

七奔命

請于晉侯使吳因教壽夢乘車戰陣法令伐

楚子重子反一歲七奔命吳自此霸○壽夢

季札賢

子四人諸樊餘祭餘昧季札札賢壽夢欲遞

立諸樊餘祭餘昧以傳札札固讓不從壽夢

薨諸樊立封札于延陵稱延陵季子札歷聘

諸邦至魯觀六代之樂至齊謂齊必亂勸晏

六代樂

平仲納政邑平仲以是免樂高之難矣至鄭

多君子

燕巢幕

掛劍

札讓

見子產如舊交至衛見蘧伯玉諸人贊之曰
衛多君子時孫林父叛居戚札過之間鐘聲
曰子獲罪于君以在此猶燕巢幕上又何樂
乎至晉見趙武魏舒韓起歎曰晉其萃于三
族乎先是札心許徐君劍及還徐君已死乃
解劍掛其冢樹而去後餘祭餘昧代立皆讓
札札卒不從○諸樊伐楚為楚將牛臣射死
弟餘祭立為閻人所弒弟餘昧立餘昧薨子
僚立而諸樊之子光以札既不立則已當立
遂謀殺僚會伍員怨楚平王殺其父兄奔吳

謀復讐

魚炙比首

楚齊

入郢

女兵

謀復讐知光欲圖僚未暇伐楚乃薦鱗設諸
于光於是光飲僚專諸置匕首魚炙刺殺之
專諸亦死光遂立是為闔廬闔廬問員以伐
楚之策對曰楚執政衆而乖若為三師以肄
焉一師至彼必皆出彼至則歸彼歸則出楚
必道敝亟肄以罷之多方以誤之既罷而後
以三軍繼之必大克之闔廬從其策於是破
楚入郢○孫武者齊人也以所著兵法十三
篇見闔廬闔廬出宮中婦人試之武分為二
隊以王之寵姬二人為隊長申令而鼓之婦

史記卷一百一十五 留侯世家 三十一

構李傷

賜屬鏤

置眼東門

何面目

人皆笑武斬王寵姬以徇婦人恐皆如今無
敢譁闔廬以武能用兵命為將吳益強○闔
廬伐越與勾踐戰于檇音醉李闔廬傷其將指
薨子夫差立○夫差伐越報檇李之讐勾踐
行成伍員諫弗聽太宰伯嚭日讒員謂員使
齊屬其子于鮑氏有外心夫差怒賜之屬鏤
音祝劍員曰取吾眼置東門以觀越兵之入
也遂死後夫差與諸侯會黃池與晉定公爭
長越王乘虛伐吳吳不能支夫差自縊死夫
差將死曰使死者無知則己若有知吾何面

目見負也吳亡

魯

周公封于魯時成王幼公留相王公元子伯
禽就封是為魯公公謂之曰我一沐三握髮
一飯三吐哺始得三士子無以國驕人三年
報政又謂之曰政貴平易近民太公問何以
治魯公曰尊賢而親親曰後寢弱矣公薨次
子代為周公餘子封凡蔣邢茅胙祭六國後
為楚所滅○魯公薨再傳為幽公公立之二
年其弟濇弒之自立此始自此始遞傳為惠公惠

後寢弱

握髮吐哺

文在手

長而賢

營菟裘

公薨，隱公立。初，惠公元妃孟子卒，繼室聲子
 生隱公。會宋武公，生仲子。有文在手，曰為魯
 夫人。或曰：文在手之說，桓公子孫為之也。惠公因娶之，生桓公。
 仲子卒，平王弱之。古者諸侯繼室皆為妾，隱
 桓之母，俱不得為夫人。隱長而賢，當立。隱以
 父有傳位于桓意，每欲讓國于桓。羽父請殺
 桓，以求太宰。隱公曰：吾將立之，使營菟裘。吾
 將老焉。羽父懼，反譖公于桓。公遂弑公于寫
 氏之館。○桓公立之十八年，與夫人齊姜如
 齊。兄襄公通焉。桓公怒，夫人告襄公。襄公使

殺桓

三桓

季友奉般

弑閔

公子彭生殺桓公于齊，立其子同，是為莊公。
 齊殺彭生以解。○桓公生四子：莊公、其適也。
 餘三子長慶父，為孟孫。次叔牙，為叔孫。次季
 友，為季孫。此三家之祖也。○莊公悅黨氏女
 孟任，納之。生子般。別妾生啟方。及公有疾，問
 後于弟叔牙。對曰：慶父材，問弟季友。對曰：臣
 以死奉般。公以叔牙心屬慶父，使季友酖殺
 牙。子般立，慶父殺之。立啟方，是為閔公。慶父
 與莊公夫人哀姜通，哀姜欲立慶父。慶父乃
 弑閔公。閔公無子，庶兄申立，是為僖公。慶父

魯頌

展禽命辭

童心

闡難

哀姜並伏誅○僖公修泮宮國人作頌美之

齊師來伐僖公使展喜受命于其兄禽以退

齊師魯十二公僖公最賢○僖公薨文公立

夫人姜氏生太子惡及視敬嬴生音敬嬴

私事莊公子襄仲仲遂殺惡視立倭是為宣

公姜氏歸齊行且哭曰仲不道殺嫡立庶市

人皆哭謂之哀姜宣公薨成公立成公薨襄

公立襄公薨昭公立昭公年十九猶有童心

○時三桓專政三家皆桓公之後故稱三桓昭公之時邠

氏與季氏平子闡難有隙邠氏以告昭公遂

伐季氏孟孫叔孫助季氏而伐公徒昭公奔

齊又之晉居乾侯之地在外八年薨平子立

其弟宋是為定公○晉韓起來聘觀書于太

史氏見易象與魯春秋曰周禮盡在魯矣吾

乃今知周公之德與周之所以王也○時孔

子用魯由中都宰為司空大司寇男女別塗

道不拾遺三月魯大治及攝相事七日誅大

夫少正卯先是齊大夫言于景公曰魯用孔

子勢將危齊使使告魯君會于夾谷孔子請

具左右司馬以從及會犁彌言于齊侯將使

居乾侯

用禮在魯

孔子相

誅少正卯

夾谷會

歸侵田

不藏甲

墮三都

贈女樂

萊人以兵劫定公孔子曰兩君合好而裔夷之俘以兵亂之非齊君所以命諸侯也齊侯乃止歸罪其臣曰魯以君子之道輔其君而子以夷狄之道教寡人於是歸所侵鄆汶陽龜陰之田以謝過焉○魯有三都曰費曰郕曰成費季孫私邑郕叔孫私邑成孟孫私邑初三家四分公室季氏取其二孔子言于定公曰臣不藏甲大夫無百雉之城乃使仲由為季氏宰墮三都齊人聞而懼乃用犁鉏之計選女樂好者八十人文馬三十駟遺魯季

膳肉不至

作春秋

獲麟

出織婦

桓子語魯君往觀之由是急于政事會郊膳肉不至孔子遂行漢揚雄曰孔子之去羣婢之故也○定公薨哀公立公室益卑○魯自隱至哀共二百四十二年孔子作春秋凡十二公時事皆書之筆則筆削則削游夏不能贊一辭弟子三千人身通六藝者七十二人及魯人西狩獲麟孔子反袂拭面涕沾袍曰吾道窮矣乃絕筆焉○哀公三傳為繆公時公儀休為相休見妻織帛出之按妻織帛何可出或曰家有織帛婦而休去之耳非其妻也食葵拔之曰吾已食祿復奪農夫紅女利

乎繆公四傳為平公至頃公而滅

齊

尊賢尚功

齊姜姓太公呂尚佐武王伐紂封于齊周公

無知亂

問何以治齊曰尊賢尚功曰後世必有篡弒

之臣太公薨子丁公伋立歷十一世為僖公

僖公薨襄公立襄公為弟無知所弒先是鮑

叔牙知國將亂奉公子小白奔莒及無知之

亂管仲召忽奉公子糾奔魯魯公將納糾而

小白已先入為君是為桓公公請魯公殺子

中鈞

天下才

糾于生竇召忽死之管仲初遮公于莒射公

中鈞公詐死得免及公得國鮑叔薦仲于公

公請于魯魯莊公問施伯對曰管子天下才

所在之國必得志于天下請殺而以屍授之

莊公弗聽使束縛以子齊比至公為脫堂阜

之囚公以管仲為相尊為仲父國子高子為

上卿隰朋甯戚實須無等各勤其官公遂霸

○管仲為政四民勿使雜處制國為二十一

卿作內政而寄軍令○甯戚衛人也賢而在

下為人飯牛扣角歌曰南山粲白石爛中有

鯉魚長尺半生不逢堯與舜禪短褐單衣纔

扣角歌

內政

仲父

戎狄豺狼

宴安酖毒

徵包茅

問昭王

屈完對

至，盱長夜漫漫，何時旦。公異之，遂任以政。○
狄人伐邢，管仲言于公曰：「戎狄豺狼，不可厭也。諸夏親暱，不可棄也。宴安酖毒，不可懷也。於是救邢，後二年城邢。」○衛為狄所滅，公伐狄，為衛築楚丘。○時周室微弱，楚貢包茅不至，公伐楚，責之曰：「昔召康公命我先君太公曰：『五侯九伯，汝實征之，以夾輔周室。』爾貢包茅不入，王祭不共，無以縮酒。寡人是徵。」昭王南征而不復，寡人是問。楚成王使屈完對曰：「貢之不入，罪也，敢不共。給昭王之不復，君其。」

問水濱

葵丘

尸虫出

問相

非人情

問諸水濱，乃盟于召陵，而罷公尊。周攘夷，主盟凡三十九年。公衣裳之會，十一兵車之會，四最盛者，稱葵丘。公好婦人，有如夫人六及。薨，五子爭立，弟兄相攻，宮中空，莫敢棺。公尸在牀上六十七日，尸蟲出于戶。易牙豎刁作亂，殺羣吏，立公子無虧。於是公子昭奔宋，宋襄公納于齊，立之。是為孝公。齊人殺無虧，初管仲病，公問曰：「羣臣誰可相者？」仲曰：「知臣莫若君。」公曰：「易牙何如？」曰：「殺子以適君，非人情，不可。」公曰：「開方何如？」曰：「倍親以適君，非人情。」

惟婦人

跛登

無涉河

太史簡

難述公曰豎刁何如曰自宮也刑以適君非人情難親仲死公不用仲言三子遂專權○孝公三傳為頃公時晉侯使卻克徵會于齊公惟婦人觀之卻克跛登階婦人笑克怒曰此不之報無能涉河後伐齊幾執公頃公再傳為莊公公淫于大夫崔杼妻棠姜杼遂弑公太史書曰崔杼弑其君杼殺之其弟書而死者二人其弟又書乃舍之南史氏聞太史盡死執簡以往聞既書矣乃還已而杼與慶封相攻杼自殺○晏嬰為相歷三君節儉力行

狐裘三十年

家量大

浸大

食不重肉妾不衣帛一狐裘三十年其祀先也豚肩不掩豆○莊公薨景公立景公薨悼公立初陳公子敬仲得罪奔齊世為大夫陳氏收拾人心以家量大者貸穀于民以公量小者收之齊民愛戴陳氏浸大厥後田和篡齊悼公傳子壬為簡公陳成子恒弑之再傳至康公田和和桓曾孫也恒姓陳齊廢之姜齊遂亡宋

初武王封武庚于殷武庚誅乃封微子于宋微子薨微仲立微仲薨子宋公稽立始稱公

舍子立弟

十一戰

宋亂

求于楚

七傳為戴公戴公再傳為宣公宣公舍其子
 與夷不立讓其弟和是為穆公公雖立賢實廢繼體之義
啓後與夷公穆公舍公子馮立姪與夷是為子馮之爭 殤公馮出諸鄭公欲除馮興師伐鄭凡十一
 戰民不堪命既而太宰華督弑殤公迎馮立
 之是為莊公莊公薨閔公立南宮長萬殺之
 立子游於是諸侯族伐長萬殺子游立公子
 御說是為桓公○桓公薨襄公立公急欲霸
 乃為鹿上之盟以求諸侯于楚以陳蔡諸國皆服于楚恐楚不令楚人許之因主盟焉公又會諸侯于

執宋公

目夷賢

泓敗

傷股

孟目夷曰楚強而無義請以兵車往公不可
 既會楚成王果伏兵執公伐宋曰不與我國
 吾將殺子君宋人曰賴社稷之靈國已有君
 矣楚人知殺公無益乃釋公公走于衛目夷
 迎歸公既辱于楚不能平又以鄭伯如楚恐
 失諸侯於是伐鄭楚因伐宋以救鄭會兵于
 泓宋人既成列楚人未既濟目夷請擊之公
 不可既濟未成列目夷又以告公曰不可既
 陳而後擊之宋師敗績公傷股國人咎公公
 曰君子不重傷不禽二毛不鼓不成列公傷

宋襄仁

雀生鵙

宋宋

桐葉封

無戲言

重未幾薨世笑以為宋襄之仁襄公遞傳至桓侯其弟偃襲之桓侯敗死偃自立僭稱康王時城上有雀生鵙一名鵙史占之曰必霸天下康王喜起兵滅滕取地數百里康王不道天下謂之桀宋齊伐之宋遂亡

晉

晉姬姓成王弟唐叔虞之所封也成王翦桐葉為珪戲與叔虞曰以此封若史佚請擇曰立之王曰戲耳佚曰天子無戲言遂封虞于唐唐叔薨子燮立始去唐稱晉侯居晉陽遞

賜弓矢

曲沃封

遷絳

驪姬亂

傳至文侯時幽王為犬戎所殺文侯與鄭秦衛三國諸侯定難京師共立平王平王嘉其功賜之秬鬯弓矢命為方伯其策書曰文侯之命文侯薨昭侯立時宗族亂昭侯封其叔父成師于曲沃師服曰晉甸侯也而建國本既弱矣其能久乎自成師至武侯弒奪頻仍凡五世遂并晉國以寶器獻僖王命為晉侯武公薨獻公立遷都絳夫人賈姬無子烝于齊姜生太子申生又娶大戎狐姬生重耳小戎狐姬生夷吾五年伐驪戎以驪姬并其姊

出三公子

申生枉

殺孤

殺荀息

歸姬生奚齊，娣生卓子。獻公惑于姬，姬欲立其子，賂嬖臣梁五、東關五，言于獻公，使申生居曲沃，重耳居蒲，夷吾居屈。姬欲殺太子，太子被誣，奔新城，已而自縊。姬又譖二公子于獻公，皆出奔，乃立奚齊為太子。獻公使荀息傅奚齊，公疾，謂荀息曰：「以是貺諸孤，辱在大夫，其若之何？」曰：「臣竭股肱之力，加之以忠貞，其濟君之靈也。不濟，以死繼之。」獻公薨，奚齊立，里克殺之。於是荀息立卓子，克又殺之，并殺荀息。時晉國無君，里克使人迎重耳，重耳辭。於是

納夷吾

汎舟役

韓原敗

重耳走狄

夷吾告于秦，穆公秦乃納夷吾于晉，是為惠公。里克伏誅。○晉饑，乞糴于秦，秦輸粟于晉。命曰汎舟之役，已而秦饑，乞糴于晉，惠公弗與。未幾，晉又饑，秦伯又饋之粟，曰：「吾怨其君，而矜其民。」○先是，惠公入國，許河外五城，賂秦，既而亦不與。穆公乃伐晉，戰于韓原，晉師敗，惠公為秦獲。秦穆公夫人請于穆公，乃放還國。惠公薨，子圉立，是為懷公。○初，重耳亡蒲城，獻公使寺人披伐之，重耳出走。狄狄妻以季隗，重耳居狄十二年，至衛，衛不禮焉。適

姜氏違重耳

文公立

介推割股

一龍五蛇

齊齊桓公以女妻之重耳將老焉姜氏曰行也懷與安實敗名重耳不可姜氏醉遣之至秦秦穆公賢之妻以五女懷嬴經事懷公者亦與焉遂納重耳于晉重耳殺懷公自立是為文公出亡凡十九年○初公嘗餒于曹介之推割股以食之至是大賞從亡臣不及介之推之推與母隱綿上山其從者憐之獻書公門曰龍欲上天五蛇為輔龍饑乏食一蛇割股龍已升雲四蛇入穴一蛇獨怨不見處所公使人求之不得乃即綿上山封以為田名曰

太叔亂

莫若勤王

請隧

大蒐示禮

何以報我

三舍報楚

介山○時周襄王寵弟太叔帶通于王妃秋女也遂以狄師入寇襄王出奔鄭告難諸侯狐偃曰求諸侯莫若勤王公帥師納王由是遂霸公請隧墓中道也天子有之襄王弗許與之陽樊温原攢茅之田受之公伐原以示信大蒐以示禮士皆退讓師有節制○初公出亡于楚楚成王饗之曰公子若反晉國其何以報我對曰他日晉楚治兵遇于中原其辟君三舍公之即位也晉楚爭雄公與楚令尹子玉會兵于城濮公避地三舍報楚也及戰晉胥臣蒙

城濮克

子玉死

狐偃策

執宋公

踐土會

殺克

士會如秦

馬以虎皮楚右師潰欒枝又使曳柴偽遁楚師逐之晉軍夾擊之楚左師又潰子玉自殺○初公出亡曹衛皆不禮及即位楚人圍宋宋如晉告急狐偃請曰若伐曹衛楚必救之則宋圍解矣於是侵曹伐衛以救宋執曹共公以畀宋人且逐衛文公奔于楚名為救宋實修舊怨也公會諸侯于踐土主盟五年公薨襄公立時秦師滅晉滑邑公敗秦師于殺函獲秦三帥○襄公薨世子夷臯尚幼趙盾使士會如秦逆公子雍秦康公送雍于晉而

令狐役

彈人

觸槐死

繫系餓人

良史良大夫

夷臯之母穆嬴日抱其子啼于朝出則抱以適趙氏盾於是立夷臯是為靈公乃整師禦秦師于令狐雍遂不得立靈公不道從臺上彈人而觀其避丸以為樂盾諫不聽反使鉏麇刺盾麇晨往盾所見盾盛服待朝危坐恭敬遂不忍刺觸槐而死靈公復攻盾靈輒繫之餓人也禦之盾免于難盾族趙穿弑靈公太史董狐書曰趙盾殺其君盾曰不然曰子為正卿亡不越境反不討賊非子而何孔子曰董狐古之良史也書法不隱趙宣子古之

良大夫也為法受惡惜也越境乃免或曰此非天子

之言也越境亦不免於是盾立靈公之弟黑臀是為成

作六軍

公成公薨景公立始作六軍天子制也公薨

殺三郤

厲公立○時郤至郤錡郤隼躒三郤公殺之

悼賢

已而樂書中行偃弒公於是悼公立公為人

立無跛視無還方其未立也晉國有憂未嘗

不戚有慶未嘗不怡及即位多善政又任用

六官民譽

得人六官皆民譽公與楚爭鄭三駕及鄭一師

于牛首一師于向楚不能爭遂繼文襄霸諸

侯公薨平公立平公三傳為定公時六卿日

六卿強

強六卿者中行氏范氏知氏韓氏趙氏魏氏

也六家世為晉卿共專晉政由是公室不振

滅范仲行

既而知氏與趙韓魏滅范氏中行氏而分其

地政皆決于知氏號知伯知伯復攻趙於是

滅知伯

趙無邲與韓魏共滅知伯六卿遂滅其三止

存趙韓魏三家○定公遞傳至靜公魏與韓

趙共廢之晉亡

楚

師文武

楚姓芊氏始祖曰祝融鬻熊其裔也事周文

王為卿文武皆師之二傳為熊繹成王時封

得江漢心

華路籃縷

王祿盡

子文滅奉

于楚其爵子遞傳至熊渠時王室衰微渠得
 江漢民心國勢日強嘗曰我蠻夷不與中國
 號謚乃分立諸子為王遞傳至若敖及蚘冒
 華路柴車也籃縷蔽衣也起于艱難蚘冒薨弟熊
 通立僭稱王是為武王王伐隨入告夫人鄧
 曼曰余心蕩夫人歎曰王祿盡矣盈而蕩天
 之道也王果薨于師子熊賫立是為文王是
 時楚益強江漢諸姬漸為所并再傳為成王
 時聞穀音違於菟為令尹即子文也子文自滅
 祿邑之奉以紓國難稱賢輔焉子文授政子

剛而無禮

商臣弑逆

諸熊蟻

隱語

鳴驚人

王子王剛而無禮卒以喪師見殺初成王將
 立商臣為太子訪諸令尹子上子上曰不可
 立也王竟立之己而又欲立次子職黜商臣
 商臣聞之以宮甲圍王王請食熊蹯而死蓋
 有外接也商臣弗許王乃自縊自古殺父商臣立
 是為穆王穆王薨莊王立在位三年無號令
 伍舉進隱語曰有鳥於此三年不蜚不鳴何
 鳥也王曰此鳥不蜚則己一蜚冲天不鳴則
 己一鳴驚人乃勤于政楚以霸○初陳大夫
 夏叔御娶夏姬陳靈公與其大夫孔寧儀行

衣相相戲

似汝似君

蹊田奪牛

孫叔敖相

鄢陵敗

章華臺

王縊

弃疾立

太子奔

殺伍奢

伍員鞭尸

父通焉皆表其相服以戲于朝嘗飲于夏氏
 靈公謂行父曰徵舒夏姬子也似汝對曰亦似君
 徵舒耻之殺靈公于廐莊王入陳誅徵舒王
 欲縣陳地申叔時曰徵舒弑君討之義也抑
 人有言曰牽牛以蹊人之田而奪之牛牽牛
 以蹊者信有罪矣而奪之牛罰已重矣今縣
 陳而貪其富毋乃不可乎王乃復陳國後申公巫
 姬臣以夏姬奔晉○時孫叔敖為相楚大治○莊王薨
 共王立時鄭叛晉晉伐鄭共王救之與晉戰
 于鄢陵楚師敗績○共王薨康王立康王薨

子熊麇立珠幾共王庶子圍弑之自立是為
 靈王王大啟章華臺驕日甚出師圍徐次于
 乾谿會蔡大夫觀起之子從怨王殺其父以
 師逼王王縊死於是共王少子弃疾立是為
 平王王使伍奢為太子建師使費無極為少
 師無極無寵因誣太子與奢謀叛王執奢使
 奮揚殺太子太子奔鄭無極又勸王召奢之
 二子尚員尚謂員曰我能死爾能報尚乃歸
 楚員去之吳子胥平王薨昭王立無極見殺
 員勸吳王闔廬伐楚五戰及郢王出奔隋員

申包胥忠

白公亂

殺子西

如望父母

免胄

出平王屍，鞭之。於是楚人申包胥求救于秦，哭秦庭七日，勺水不入口。秦乃興師，敗吳王，乃還。○昭王薨，惠王立。時故太子建之子勝為白公怨，鄭殺其父，乃請兵于子西以復讐。子西未許，勝怒，殺子西于朝。王亡，匿。勝自立。月餘，葉公沈諸梁聞亂而至，或遇之曰：君胡不胄？國人望君如望慈父母焉。懼天之傷君也，乃胄而進。又遇一人曰：君胡胄？國人望君如望歲焉。思見君面也。而掩面何也？乃免胄而進，遂殺勝。王乃復位。遞傳至威王時，蕪秦

從親

商於六百里

屈平諫

投汨羅

王死于秦

黃歇說秦

說王與五國從親，王薨，懷王立。時秦欲伐齊，患齊與楚從親，使張儀說王曰：王若能絕齊，請獻商於地六百里。王遂絕齊，使人入秦受地。儀背約，楚因伐秦，楚大敗，楚復割地求和。其後秦昭王約王入武關，盟屈平。字原，一字靈均，郢人。王，族左徒，先為三閭大夫，平以讒見疏，乃作離騷。已而懷石投汨羅江死。弟子宋玉作九辨，哀。諫不聽，王為秦所執，遂死于秦。楚人立其子橫，是為頃襄王。頃襄懦弱，不能報父讐。時秦伐楚，拔郢都，改置南郡。頃襄徙都陳。○頃襄薨，子完立，是為考烈王。○黃歇者，楚人也。

放還完

春申珠履

五國兵敗

李園奸

游學博聞使于秦聞秦將與韓魏伐楚說秦與楚約為與國楚以太子完質秦會頃襄病歇令完亡歸自待罪于秦秦賢之乃放還完以是得立因以歇為相封春申君門下食客千人躡珠履楚復強先是威王時滅越盡有吳地至是考烈徙歇封吳歇在吳宮室極盛○考烈嘗合韓趙魏燕伐秦楚為從長己而五國兵皆敗○考烈薨幽王立初李園進妹與黃歇有娠說歇進于考烈生子曰悼即幽王也園殺歇于棘門以滅口○幽王薨子赧

用六十萬

請美田宅

斬項燕

緇衣詩

立是為哀王未幾庶兄負芻弑之自立時秦始皇欲伐楚問李信曰度用兵幾何曰二十萬人問王翦曰必用六十萬始皇竟用信果大敗遂用翦翦以始皇怙音粗心不細也不信人多請美田宅園池以堅始皇心己而大敗楚師斬其將項燕虜負芻楚亡

鄭桓公名友周厲王庶子封于鄭桓公為周司徒其子武公亦為司徒皆善于其職詩人作緇衣美之武公薨子寤生立是為莊公其

克段

及黃泉

母子如初

怨突爭

蔡仲專

母武姜惡之愛次子段封于京段益驕僭將與武姜襲鄭公遂伐段克之段奔于共公寘姜氏于城穎而誓之曰不及黃泉無相見也既而悔之穎考叔見公曰君無患焉若闕音地及泉隧而相見誰曰不宜公從之姜氏出遂為母子如初○莊公薨子忽立是為昭公昭公庶母曰雍姑宋女也生子曰突突外家雍宗有寵于宋莊公宋莊公誘祭仲立突是為厲公昭公出奔衛厲公既立患祭仲專使仲婿雍糾于郊亭時殺仲糾妻知之謂其母

人盡夫

內外蛇聞

三良

與蘭

食指動

曰父與夫孰親母曰人盡夫也父一而已因語仲殺糾厲公曰謀及婦人宜其死也厲公乃奔蔡昭公返國已而昭公被殺厲公復入初鄭南門內有蛇與外蛇聞內蛇死人以為厲公返國之兆○厲公薨文公立叔詹堵叔師叔三良為政○初公有賤妾曰燕姑夢南燕祖伯儵與之蘭曰以是為而子及生子遂名蘭公薨蘭乃立是為穆公穆公薨靈公立時楚人獻鼈公子公子家將入見于公之食指動示于家曰他日我如此必嘗異味及入

解龜

宰夫將解龜相視而笑公問之子家以告己而公食大夫龜召子公而弗與焉子公怒深

洪鼎

指于鼎嘗之而出公怒欲殺之子公遂弑公

立其弟堅是為襄公○襄公薨悼公立悼公

執銅鞮

薨成公立時晉侯伐鄭執公銅鞮以鄭貳于

楚也己而鄭子罕賂晉襄鐘公乃歸鄭公薨

爭鄭不已

僖公四君之世晉楚爭鄭交兵不已以鄭服楚

不常也○僖公薨簡公立時晉悼公三駕及鄭

不肯晉

鄭乃服晉會于蕭魚與晉平自此鄭不肯晉

者二十四年○簡公薨定公立公孫僑字子產

子產相

聽政僑成公少子也博物善辭令先相簡公

救火

再相定公時鄭火災僑區分救護火遂息禪

竈請禳僑曰天道遠人道邇遂不禳後亦不

火僑為政忠儉者與之汰侈者斃之行之一

與人誦

年與人誦曰取我衣裳而褚之取我田疇而

伍之孰殺子產吾其與之及三年又誦曰我

鑄刑書

有子弟子產誨之我有田疇子產殖之子產

而死誰其嗣之僑鑄刑書政猛而心惠人僑

遺愛

卒孔子出涕曰古之遺愛也定公再傳為聲

公國益弱後為韓所滅

曹

曹叔振鐸周文王子也封于曹歷十五世為共公時晉公子重耳出亡至曹公不禮焉聞其駢脅因裸浴薄觀之晉文及國伐曹虜公以界宋人共公再傳為宣公宣公薨弟負芻殺世子自立是為成公成公立未幾晉厲公執之盟所歸于周諸侯議立公子臧子臧辭曰聖達節次守節下失節為君非吾節也雖不能聖敢失守乎遂逃于宋後周簡王釋成公罪復歸曹成公遞傳至靖公靖公薨子伯

裸浴薄視

虜公界宋

于臧節

釋公

陽立未幾曹亡

蔡

蔡自叔度遷死其子蔡仲名胡能改父行成王復封于蔡蔡仲傳十一世為哀侯時楚文王伐蔡虜哀侯歸既而放還其後楚復伐蔡虜哀侯哀侯遂卒于楚遞傳至靈侯楚靈王殺之遂滅蔡執隱太子有以歸殺之代牲以祭岡山及楚平王立乃復蔡國於是隱太子之子廬歸蔡為君是為平公平公遞傳至昭侯昭侯有玉佩美裘楚令尹子常強取之昭

胡改父行

性隱太子

廬歸君

玉佩美裘

侯怒與吳王闔廬合破楚及楚昭王復國伐蔡吳救之後卒為楚所滅

陳

陶正
敬仲奔齊
工正
滅陳
楚亂

初舜之後闕父為殷陶正生胡公滿武王封之于陳遞傳至厲公厲公薨以弟杵臼立是為宣公宣公廢嫡立庶敬仲厲公之子慮禍之及也乃抱舜樂奔齊齊桓公以為工正宣公數傳至靈公靈公淫夏徵舒之母徵舒弑之其後楚靈王命弃疾楚共王之子滅陳即命弃疾為陳公會楚靈王因公子比作亂自縊死弃疾

陳復立

入楚誅比而自立乃復為陳立後後卒為楚所滅

衛

紂故都

武王封紂都以東曰衛西曰鄘北曰邶以衛

封其弟康叔封書無明文而酒誥曰妹邦或衛妹古字通用也後成

并邶鄘

王又以殷餘民封康叔遂并邶鄘有之康叔

遞傳至僖侯僖侯薨次子和賂國人攻太子

柏舟

餘餘自殺謚曰共伯妻共姜守節詩所以也柏舟也

睿聖武公

於是和立稱武公年九十餘益勤學國人稱睿聖武公武公薨莊公立莊公薨子完立是

州吁好兵

石碯謀

大義滅親

新臺之詩

為桓公先是莊公既立世子完又寵嬖人之
 子州吁大夫石碯諫弗聽州吁好兵驕縱與
 碯之子厚遊碯禁之不可州吁與厚弑桓公
 遂自立厚以州吁未得民謀所以定君者于
 碯碯曰必覲王乃可教之如陳以請于周厚
 既至陳衛人殺州吁碯使人殺厚左氏曰碯大義滅親
 於是衛人立桓公弟晉是為宣公初宣公祗
 于莊公之妾夷姜生子伋後伋聘妻于齊而
 美宣公自取之即宣姜也國人醜之為作新
 臺之詩宣姜生子壽及朔有寵于宣公夷姜

夷姜縊

盜殺伋壽

二子乘舟

鶴乘軒

狄滅衛

失寵自縊死宣姜與朔構禍于伋宣公聽之
 命伋如齊伏盜于莘將殺之壽以告勸伋行
 伋曰棄父之命不可及行壽以酒醉伋載其
 旌以先往盜以為伋也殺之及伋至曰我之
 求也此何罪請殺我盜又殺之國人傷之為
 作二子乘舟之詩宣公薨子朔立是為惠公
 惠公薨懿公立公好鶴鶴有乘軒者時狄人
 來侵國人怨公皆不欲戰曰使鶴於是衛師
 敗狄人殺公滅衛是時衛遺民僅男女七百
 二十人盜以共滕之民纔五千國人乃立昭

遺民五千

布衣帛冠

季年三百乘

叔武居守

君臣訟

納餼

薄醜

卿服死

射鴻日旰

惡無禮

皆賢大夫

伯太子之子申是為戴公戴公薨弟燹立是

為文公狄人尚踞衛地齊桓公伐狄為衛築

楚丘公自曹徙都之公布衣帛冠務材訓農

通商惠工勸學任能元年革車三十乘季年

乃三百乘公薨成公立先是晉文出亡過衛

文公不禮及晉文得國遷怒于成公遂伐衛

甯武子從公出奔楚公使大夫元咺奉叔武

成公居守後晉文復公國叔武將沐聞而喜

捉髮出迎前驅迎公意竟殺之元咺奔訴于

晉晉復執公與元咺訟公不勝晉文歸公京

師寘深室中武子職納索饋焉晉又使醫醜

公武子賂醫薄醜得不死元咺返衛立公子

瑕己而公納玉于周襄王得釋公語大夫周

歆曰能納我以為卿歆遂殺元咺及瑕公乃

返國歆卿服及門疾作死冥報○成公薨穆

公立穆公再傅為獻公公嘗召孫林父甯殖

食而自射鴻于圃日旰不食二子惡其無禮

也攻公公奔齊二子共立穆公之子剽未幾

甯喜弒剽獻公返國獻公薨襄公立時有蓬

伯玉史魚公子荆諸人皆賢大夫也○襄公

五十三

逐蒯賁

郕辭立

劫孔悝

子路子羔之言

薨靈公立公夫人南子太子蒯賁之後母也
 與宋子朝通蒯賁將弒南子南子哭訴于公
 公怒蒯賁奔宋已而公薨國人欲立公子郕
 郕辭於是立蒯賁之子輒是為出公既而晉
 納蒯賁輒拒之蒯賁之姊伯姬孔文子之妻
 也生子悝音悝蒯賁因與小臣渾良夫入孔氏
 之家劫悝登臺使召國人以逐輒時子路仕
 衛將入救悝遇子羔名柴為子羔曰毋踐其
 難也子路曰食焉不避其難於是子路謀燔
 臺以救悝蒯賁乃使孟賁以戈擊子路斷纓

結纓死

出公復歸

苟變材

二卵弄干城

子路曰君子死冠不免乃結纓而死於是蒯
 賁立是為莊公出公奔魯時孔子聞衛亂曰
 柴也其來由也其死矣莊公為晉趙鞅所攻
 遂被殺出公復歸衛既而又因亂奔宋未幾
 卒遞傳至成侯國勢日弱子思嘗謂成侯曰
 君國是日非矣君與卿大夫出言皆自以為
 是羣下同聲賢之善安從生乎子思薦苟變
 曰其材可將五百乘成侯曰變為吏賦民食
 二雞子曰君處戰國以二卵棄干城之將何
 可使聞于鄰國成侯薨子嗣立號嗣君嗣君

好權術

十左氏

好用權術嘗有胥靡亡魏以左氏地易胥靡而戮之左右曰奈何以一都買一胥靡嗣君曰法不立誅不必雖有十左氏無益也法立誅必雖失十左氏無害也嗣君卒不能強不再傳為秦所滅

越

初夏禹葬越之會稽少康恐絕祀封其庶子于越以奉禹祀號曰無餘後二十餘世傳至允常與吳王闔廬日相攻允常死子勾踐立嘗為吳執僭稱王○吳王夫差悲父之死于

奉禹祀

日相攻

出入謂已

敗越

為臣妾

樹德去疾

吳為沼

枕戈嘗膽

烏盡弓藏

越也使人立于庭出入謂已曰夫差而忘越王之殺而父乎則對曰唯不敢忘三年乃敗越王于夫椒於是越王用范蠡計與夫人入吳為臣妾使文種行成于吳伍員諫曰樹德莫如滋去疾莫如盡勾踐與我同壤而世為仇敵克而弗取後悔何及吳王弗聽員告人曰越十年生聚十年教訓二十年後吳其為沼乎已而吳王放越王歸國越王發憤為政枕戈嘗膽志在雪耻遂滅吳○越王既滅吳疾忘功臣蠡與種書曰蜚鳥盡良弓藏狡兎

賜種死

名下難居

泛五湖

三致千金

甘棠詩

死走狗烹越王長頸烏喙可與共患難不可

與共安樂子盍去未幾有讒種者越王遂賜

種死方種之未死也蠡念大名之下難久居

因求去越王不許蠡曰君行制臣行意乃變

姓名鴟夷子皮乘輕舟泛五湖後之陶號陶

朱公三致千金分于貧交昆弟○勾踐七世

為無疆為楚所滅其公族濱海為君長漢時東越閩君皆其裔也

燕

武王封弟召康公奭于燕召公巡行鄉邑決

獄棠樹下及薨民作甘棠詩三十六世至文

揣摩成

合從

相六國

季子多金

連衡

公時為戰國蘇秦者洛陽人也初遊說不行

而歸嫂妻皆笑之秦閉戶讀書期年揣摩成

至周秦皆弗用遂遊說六國合從拒秦自燕

文公始公資秦金帛至趙及韓魏齊楚皆從

之以秦為從約長相六國秦過周顯王使人

除道郊迎嫂妻不敢仰視秦曰嫂何前倨而

後恭嫂曰見季子位高多金也秦後為齊所

殺時張儀為秦惠文王相又說六國連衡通

事秦已而六國又畔衡復合從及楚懷王絕

齊五國解體從約乃已然秦初聞合從不敢

秦之力

燕亂

買馬骨

從隗始

莒即墨

出兵函谷關者十五年秦之力也○文公再傳為子噲噲讓國于其相子之國大亂齊因代燕大破燕於是昭王立王厚幣招賢問于郭隗隗曰古人君有以千金使涓人求千里馬者馬已死以五百金買其骨而返君怒涓人曰死馬且買之况生者乎馬今至矣不期年而千里馬至者三今王必欲致士先從隗始王因厚遇隗天下士爭趨燕於是樂毅至燕王使毅伐齊大破齊師下齊七十餘城惟即墨莒二邑不下會昭王薨惠王立齊將田

縱天間

不謀叔隸

望諸君

報燕書

單縱天間于燕謂毅欲王齊故緩攻即墨惠王信之遂使騎劫代毅於是毅奔趙趙與毅謀伐燕毅泣曰臣疇昔之事昭王猶今日之事大王也若復得罪在他國終身不敢謀趙之奴隸况子孫乎趙王乃止封毅為望諸君燕惠王使人讓毅且謝之曰將軍捐燕歸趙自為計則得矣而何以報先王所以遇將軍之意也毅報書略曰古之君子交絕不出惡聲忠臣去國不潔其名臣雖不佞數奉教于君子矣燕乃復封毅之子毅卒于趙○惠王

丹刺秦

七首見

斬軻

薨武成王立武成王薨孝王立孝王薨子喜
立喜太子丹先嘗為質于趙與秦王政善及
政即位丹質于秦秦不加禮丹怒逃歸欲報
之因與田光交荆軻遣軻刺秦王齎秦降將
樊於期之首與燕督亢之地圖偕勇士秦武
陽入獻秦王秦王閱圖圖窮而七首見秦王
驚起環柱而走拔劍斬軻并殺武陽補史因
伐燕大破燕師燕斬丹以獻燕隨亡

趙

趙祖造父遞傳至趙夙為晉大夫夙姪衰輔

問原守

滅其族

兩義士

立孤難

晉文公出亡文公返國受周之原田而難其
守問于寺人勃鞞對曰昔趙衰以壺飧從徑
餒而弗食可使處原乃命衰守之衰卒子盾
嗣盾卒子朔嗣時屠岸賈治弑晉靈公之賊
殺朔于下宮滅其族朔妻莊姬為晉成公姊
有遺腹走匿公宮生子曰武朔客程嬰公孫
杵臼知之賂醫竊出賈索趙孤急杵臼問嬰
曰死與立孤孰難嬰曰死易立孤難杵臼曰
子為其難者乃以他人子匿山中嬰出謬曰
與我千金吾告趙氏孤處賈喜乃使人隨嬰

真孤在

將下報

繭絲保障

晉陽為歸

殺杵臼及孤而趙氏真孤在嬰後與武滅賈
 竟立武嬰辭曰昔下官之難我非不能死也
 思立趙氏後耳今武已立我將下報宣孟與
 公孫杵臼矣遂自殺武為嬰服齊衰三年武
 之曾孫鞅謚簡子○簡子使尹鐸守晉陽鐸
 請曰以為繭絲乎抑為保障乎簡子曰保障
 哉鐸乃損其戶數繭絲者言賦稅保障者言
 藩籬減損戶數則賦稅輕
 而民力簡子謂子無邲曰晉國有難無以鐸
 為少無以晉陽為遠必以為歸簡子卒無邲
 嗣是為襄子時知伯荀瑤求地于襄子不與

不浸三版

亡及我

持勝難

殺知伯

知伯遂約魏駒韓虎攻襄子襄子走晉陽三
 家合圍決水灌之城不浸者三版沈竈產蛙
 民無叛志○襄子使稚狗伐狄勝之襄子有
 憂色曰飄風驟雨不終朝日中不須臾今趙
 氏不德一朝下兩城亡其及我哉君子曰趙
 氏其昌乎夫憂者所以為昌也喜者所以為
 亡也勝非其難者也持之者其難者也惟有
 道之人為能持勝○知伯圍晉陽驕日甚襄
 子乃使張孟談約韓魏殺知伯滅其族三分
 其地襄子漆知伯頭為飲器知伯之臣豫讓

漆身

愧二心

靡笄

欲為報讐詐為刑人挾匕首入襄子宮中塗
 廁襄子避之讓又漆身為癩吞炭為啞行乞
 于市其妻不識也其友識之曰以子之才何
 不臣趙孟何太自苦讓曰委質為臣而求殺
 之是二心也吾所以為此者將以愧天下後
 世為人臣而懷二心者後伏橋下欲殺襄子
 襄子殺之○襄子殺代王奪其地代夫人襄
 子姊也靡笄自殺○襄子卒姪孫浣嗣治中
 牟浣卒子笄立請于周命為侯是為烈侯遂
 與韓魏共分晉地○烈侯遞傳至武靈王武

胡服

入秦觀形

稱主父

探雀殼

連城壁

靈王胡服招騎射畧胡地滅中山時秦日強
 大武靈嘗詐為使者入秦欲觀秦地形及秦
 王之為人秦王怪其狀甚偉使人逐之已行
 脫關矣初武靈以長子章為太子既而廢章
 立庶子何是為惠文王武靈自稱主父後主
 父見章儻然北面而朝惠文憐之欲分趙
 而王章于代未決會章作亂惠文殺章圍主
 父主父探雀殼音寇食之三月餘餓死○趙有
 壁即卞和所獻之荆山玉也秦昭王請以十
 五城易壁惠文欲與之恐見欺藺相如曰臣

澠池會

擊缶

引車避

畏廉將軍哉

願奉璧往若秦城不入臣請完璧歸至秦既
獻璧視秦王無償城意乃給秦王遣從者懷
歸趙身待命于秦秦王賢之放還後隨惠文
會秦于澠音閔池秦王使惠文鼓瑟相如不平
使秦王擊缶弗從相如曰五步之內臣得以
頸血濺大王秦王乃一擊缶秦終不能有加
于趙惠文歸以相如為上卿位在廉頗將趙右
頗不平曰我見必辱之相如每望見輒引車
避舍人以為耻相如曰子視廉將軍孰與秦
王曰不若相如曰夫以秦王之威而相如廷

刎頸交

嫁禍

交間

以名使括

叱之相如雖驚獨畏廉將軍哉顧秦不敢加
兵于趙以吾兩人在也今兩虎共鬪勢不俱
生吾為此者先國家之急而後私讐也頗聞
之肉袒負荆杖也負杖而受刑也謝罪結刎頸交○孝
成立秦伐韓上黨路絕韓獻上黨于趙趙豹
謂韓嫁禍于趙不可受趙竟受之秦白起攻
上黨趙使廉頗拒之頗敗因堅壁不出孝成
怒讓頗秦使人行千金為交間曰秦獨畏趙
奢子括為將耳廉頗易與且降英孝成信之
欲用括藺相如曰王以名使括若膠柱鼓瑟

括母言

柱瑟也括徒能讀父書傳不能合變也括母又

上書言括不可使孝成皆不聽卒使括代顏

顏王悼襄王時奔魏不見用悼襄復欲用之遣使視顏顏一飯斗米肉十觔被甲上馬以示可用其讐郭開賂使者令毀之使還曰廉將軍尚善飯然坐項三遺失悼襄遂不召

絕糧道

括邀秦軍秦絕趙糧道趙請粟于齊齊王勿

許周子曰趙之于齊猶齒之有唇也救趙之

渴獲焦釜

務宜若奉漏甕沃焦釜然齊王弗聽趙軍食

絕括死于軍白起坑趙降卒四十萬○平原

坑四十萬

君勝者惠文弟也好客士多歸之會秦伐趙

趙使勝求救于楚約門下文武備具者二十

人與俱得十九人其下客毛遂自薦願行勝

曰夫賢士處世如錐處囊中其末立見先生

處此三年矣未有所聞殆無所有也遂曰今

穎脫出

日乃請處囊中耳使臣蚤得處囊中當穎脫

突也突然而出非特末之見也勝乃與遂至

按劍歷階

楚與楚王言合從久不決遂按劍歷階上曰

合從者為楚非為趙也楚王乃定從使黃歇

將兵救趙時信陵君已破秦兵解邯鄲圍歇

重九鼎

乃還平原君歸曰毛先生至楚使趙重于九

鼎大呂三寸舌強于百萬師勝不敢復相天

不復相士

蹈東海

天下士

排難無取

下聊城

下士矣因以遂為上客○魯仲連者持高節
 號千里駒遊于趙會秦圍趙魏王恐使新垣
 衍說趙帝秦以解兵仲連謂衍曰彼即帝連
 有蹈東海死耳不願為之民且秦帝英魏王
 安得晏然衍曰先生天下士吾不敢復言帝
 秦矣及圍解平原君欲封之不受以千金為
 壽仲連曰所貴天下士者為人排難解紛而
 無取取者商賈之事也辭去終身不復見後
 二十餘年燕將被讒保聊城齊田單攻之久
 不下仲連為書陳利害射城中燕將泣自殺

貪賤肆志

荀卿兵要對

節制仁義

禁暴除害

城遂下齊王欲爵之逃之海上曰吾與其富
 貴而誦于人寧貧賤而肆志遂去○孝成嘗
 問兵要于荀况况為楚對曰要在附民下之
 于上也若子弟之衛父兄手足之捍頭目也
 齊之技擊不可以遇魏之武卒魏之武卒不
 可以遇秦之銳士秦之銳士不可以當桓文
 之節制桓文之節制不可以敵湯武之仁義
 陳置問况曰先生議兵以仁義為本又何以
 兵為哉况曰仁者愛人故惡人之害之也義
 者循理故惡人之亂之也兵者所以禁暴除

秦再間趙

殺李牧

遇子方

害也○孝成薨悼襄王立李牧為將破匈奴
匈奴不敢犯邊悼襄薨幽繆王立秦使王翦
來伐李牧禦之秦多與郭開趙嬖臣金使言牧
欲反幽繆信之使他將代收牧不受命幽繆
殺之趙遂亡牧朝死而趙名亡矣秦之善用金也金之能害人

魏

魏出周畢公高之後始祖畢萬為晉大夫封
于魏數世有絳絳陳和戎五利絳後四世曰
桓子與韓趙共滅知氏桓子孫曰斯與韓趙
共分晉室是為文侯○文侯之子擊遇田子

貧賤驕人

師子夏

敬于木

良妻良相

方于道擊下車伏謁子方不為禮擊怒曰富
貴者驕人乎抑貧賤者驕人乎曰貧賤者驕
人耳富貴安敢驕人國君驕則失國大夫驕
則失家士貧賤不合則去安往不得貧賤哉
○卜子夏者衛人也教授西河文侯師之段
干木學于子夏者也文侯過其閭必式致祿
百萬木不受後秦欲攻魏司馬唐曰魏禮段
干木未可攻也文侯能下士然不知師子夏論者惜之○文侯
謂李克曰子言家貧思良妻國亂思良相今
置相非魏成則翟璜二子何如對曰居視所

五視法

師之君之

相成

河伯娶婦

親富視所與達視所舉窮視所不為貧視所
 不取五者足定之矣克出璜問誰相曰魏成
 璜忿然曰吳起樂羊等皆臣所進也何負于
 成克曰成進卜子田子段子君師之子所進
 者君臣之烏可比也文侯卒相成○西門豹
 至鄴曰會長老問民疾苦長老曰苦為河伯
 娶婦豹問曰何曰鄴三老廷椽歲賦民錢數
 百萬用二三十萬為河伯娶婦而與祝巫分
 其餘錢每及時巫行視人家女好者云是當
 為河伯婦即洗浴之衣以綺縠治齋宮河上

持女逃

親往會

是女不佳

投大巫

命女居其中上日浮之河浮數十里乃沒以
 故民困貧多持女遠逃從來久矣豹曰第至
 此時幸告我我亦欲往送至期豹親往會
 河上三老官屬豪長者里父老皆會聚觀者
 數千人其巫老女子也從女弟子十人豹曰
 呼河伯婦來既見顧謂三老巫祝廷椽曰是
 女不佳幸大巫嫗為先報河伯得更求好女
 異日送之即使吏卒共抱大巫嫗投之河有
 頃曰何不還報令弟子趣之乃投弟子一人
 河中又有頃曰何不還報乃又投一弟子河

煩三老

更趣之

鄴俗革

愛子美

疑忍

中凡三投弟子豹曰是皆女子想不能白事
煩三老為入白之乃又投三老河中時旁觀
者皆驚怖豹顧曰久待不還報奈何將復使
廷椽與豪長者一人更趣之於是廷椽豪長
者共叩頭頭且破血流地赤豹曰何河伯留
容之久姑且去侯之鄴俗始革○文侯使樂
羊攻中山中山懸羊子示羊羊不顧為羨遺
之羊啜盡一杯遂下中山文侯賞其功示以
謗書一篋終以其忍也疑之因封子擊于中
山文侯問羣臣曰我何如主也皆曰仁君也

君仁臣直

醫臂訣

不奔喪

殺妻將

任座獨曰君得中山不封弟而封子何謂仁
君文侯怒問翟璜對曰仁君也文侯曰何以
知之曰君仁則臣直向者座言直故知之文
侯悅文侯覺子擊立是為武侯○初吳起遊
仕不遂鄉黨笑之起怒殺三十餘人與母齧
臂而訣曰起不為卿相不入衛起衛人去事曾
子母死不奔喪曾子與之絕起乃之魯學兵
法會齊攻魯魯欲將起以起娶齊女疑之起
殺妻自明因為魯將破齊師魯人譖起起復
之魏文侯問起于李克克曰起貪財好色然

吮疽

美哉固

舟中敵國

殺起

臙才優

陷則

其用兵雖司馬穰苴不能過也文侯遂將起
起嘗為士卒吮疽得士心故所向有功○武
侯嘗浮西河而下顧謂起曰美哉山河之固
此魏之寶也對曰在德不在險君若不修德
舟中之人皆敵國也武侯善之以為西河守
魏人譖起起奔楚為楚相楚貴戚惡之起被
殺○武侯薨子瑩立是為惠侯遷大梁僭稱
王故又稱梁惠王○初龐涓與孫臙同學兵
法臙才優于涓涓忌之因陷臙則臙西足會
齊使者如魏竊載臙歸臙遂為齊王師既而

走魏都

果還

臙

死樹下

成豎子名

惠王使涓伐趙趙求救于齊齊田忌欲引兵
之趙臙曰今魏師罷竭不如直走魏都魏必
釋趙自救是一舉解趙圍收敵于魏也忌從
之魏師果還涓戰大敗其後惠王又使涓攻
韓韓亦求救于齊臙復直走魏都涓聞之歸
臙使齊軍入魏地為十萬竈明日為五萬竈
又明日為二萬竈涓以為怯逐之臙伏兵馬
陵道斫樹書曰龐涓死此樹下涓夜至以火
燭樹萬弩俱發魏師大亂涓歎曰遂成豎子
之名乃自刎齊大破魏兵虜太子申○孟子

武夫蒼頭

誘虜

信陵下士

至魏惠王不能用○蘇秦說惠王與五國從親曰大王之地千里武夫蒼頭奮擊各二十萬師徒十萬奈何臣事秦也○秦孝公使衛鞅來伐誘虜公子卬魏獻河西地以和○惠王薨子赫立是為襄王張儀去秦相魏說襄王倍約請成于秦已而儀復去相秦○襄王薨昭王立昭王薨安僖王立安僖之異母弟信陵君無忌卑身下士門下食客嘗三千人諸侯不敢加兵于魏者十餘年○秦伐趙趙平原君勝求救于魏魏使晉鄙救趙秦使人

圍趙

竊符

推晉鄙

客練

破秦

謂安僖曰敢有救者移兵擊之安僖恐止晉鄙師趙圍日急勝之妻無忌姊也勝使人讓無忌無忌用侯嬴計竊王兵符偕屠客朱亥詣晉鄙軍將詐代之晉鄙合符而疑交袖鐵椎椎殺晉鄙將其眾大破秦軍無忌不敢歸國遂留趙○無忌既留趙秦使蒙驁伐魏安僖患之使人請于趙無忌不肯還無忌之客諫曰公子所以見重于諸侯者徒以魏也今魏急公子乃不恤乎無忌乃趣駕還魏合諸侯之師敗驁于河外○秦既敗惠信陵君使

六十八
東
西
銘

行間

燕雀處堂

人行反間于魏安僖疎無忌未幾無忌卒魏後為秦所滅○始秦之伐趙也魏人以為便孔斌曰秦勝趙吾恐魏亦受其師矣先人有言燕雀處堂子母相哺自以為安竈突炎上棟宇將焚燕雀未知禍之將及已也今不悟破趙而患將及已可以人而同于燕雀乎

韓

韓武子名萬曲沃桓叔子也仕晉封于韓原再傳為厥是為獻子厥之子起是為宣子三傳為虎是為康子與趙魏分知伯地虎再傳

分地

刺累政死

死政旁

藏散袴

申子相

為度是為景侯與趙魏分晉地○景侯薨烈侯立時俠累為相有惡于嚴遂字仲者遂使勇士聶政刺殺累政自刺面抉眼屠腸死韓人莫能識政姊螢曰是軼深升里聶政也以妾在故重自刑以絕蹤妾奈何畏誅沒賢弟名於是亦死政旁時人義之○烈侯數傳至昭公昭公有散袴命藏之侍者曰君何不賜左右而藏之昭侯曰吾聞明主愛一頓一笑袴豈特頓笑哉吾必待有功者○申不害者學黃老刑名為昭公相國治兵強○昭侯作

不出此門

雞口牛後

韓非子

高門楚大夫屈宜臼曰君必不出此門何也
 不時前年秦拔宜陽今若旱君不恤而奢所
 謂時訕舉贏也門成而昭侯薨於是宣惠侯
 立僭稱王時蘇秦說宣惠與五國從親曰寧
 為雞口無為牛後雞口進食牛後出糞宣惠王薨襄王
 立時秦甘茂與秦武王盟于息壤來攻拔宜
 陽襄王再傳為桓惠王時秦拔上黨韓地日
 促桓惠往朝秦桓惠薨子安立遣使稱藩于
 秦秦滅韓六國惟韓先朝秦秦卒先滅之○初韓非精刑名
 韓不能用非乃作說難孤憤號韓非子

文姓

遷墓

阿即墨毀譽

烹阿

田齊

田齊故陳厲公佗之子完之後也完得罪奔
 齊為工正子孫因改姓田遂有齊國○陳恒
 殺簡公恒之曾孫和遷其君貸于海上篡齊
 國既而和求為諸侯魏文侯為之請于周安
 王安王許之○和薨桓公立桓公薨威王立
 王明于治國左右有譽阿大夫而毀即墨大
 夫者王召阿大夫曰自子守阿譽言日至吾
 使人視阿田野不闢人民貧餒是子厚幣事
 吾左右以求譽也烹阿大夫及左右嘗譽者

封萬家

戰擊肩摩

照乘珠

四臣

又召即墨大夫曰自子居即墨毀言日至吾使人視即墨田野辟人民給是子不事吾左右以求助也封之萬家於是羣臣聳懼齊大治時蘓秦說王與五國從親曰臨淄之塗車戰擊人肩摩連袂成帷揮汗成雨秦無奈齊何也○時齊魏會田魏惠王問于王曰齊亦有寶乎王曰無有惠王曰寡人有徑寸之珠照車前後各十二乘者十枚王曰寡人臣檀子盼子黔夫種首齊國賴之此四臣者將照千里豈特十二乘哉○威王薨子辟疆立是

稷下學士

兩血沾衣

擢筋懸梁

倚閭望

為宣王時鄒衍淳于髡田駢接子慎到之徒會于稷門之下孟子至齊說以仁政王不能行○宣王薨湣王立欲并二周為天子已而燕樂毅破齊王出走于莒時楚將淖齒將兵救齊欲與燕分齊地乃執王數之曰千乘博昌之間兩血沾衣贏博之間地坼及泉人當關而哭而王不戒何得無誅遂擢王筋懸之廟梁越宿而死○初湣王之子法章遭國難變姓名會大夫王孫賈從湣王亡失其處而歸其母責之曰汝朝出晚來吾倚門而望汝

立齊

火牛

復城

長鈇歌

暮出不還吾倚閭而望汝事王王走汝不知
 處尚何歸賈乃入市呼眾攻殺淖齒求法章
 立之是為襄王當是時齊僅存莒即墨二邑
 樂毅圍之不克己而齊田單為將縱火間于
 燕燕使騎劫代毅單乃收千牛為絳繒衣畫
 以五采龍文束兵刃于其角而灌脂束葦于
 其尾燒其端夜縱牛以壯士隨其後牛尾熱
 怒而犇燕軍燕軍大敗遂復所亡七十餘城
 ○孟嘗君田文者為薛公門下食客三千人
 有馮驩來見置傳舍彈劍作歌曰長鈇歸來

狐白裘

狗盜

雞鳴

名重天下

乎食無魚時邑稅不足奉客乃出錢于薛以
 取息遣驢往取驢見不能償者焚其貸券孟
 嘗君怒驢曰吾欲使薛戴君耳先是秦昭王
 聞文賢請以為相或譖之昭王因囚文文求
 解于昭王姬姬欲得文狐白裘文已獻昭王
 矣客有善狗盜者盜以獻姬姬言于昭王遣
 之歸後昭王悔使追之文至關關法雞鳴出
 客客即為雞鳴羣雞皆鳴文得脫歸文以是
 怨秦合韓魏伐秦昭王懼割河東三城以講
 文名重天下文卒諸子爭立齊魏共滅之○

襄王薨子建立建不助五國攻秦五國既滅
齊亦滅

秦

秦之先為大費即伯益也賜姓嬴其後蜚廉
父子俱以材力事商紂又五傳至非子始封

于秦非子薨子立是為秦侯再傳為秦仲時
西戎叛王室宣王命仲討之仲薨莊公立莊

公薨襄公立時周幽王為犬戎所弑襄公救
周及平王遷洛襄公以兵送平王平王封公

為諸侯襄公薨文公立始置史立夷三族
史

犬戎弑

以材力

置史

五叛大夫

遞傳至武公又遞傳至成公成公薨弟任好
立是為穆公穆公相百里奚號五叛大夫以
蹇叔為上大夫求丕豹公孫枝于晉降由余

霸西戎

于戎益國十二開地千里襄王命為西方諸
侯伯三置晉君一救荆禍遂霸西戎○穆公

三良殉

薨葬于雍殉者百七十七人子車氏子奄息
仲行鍼虎三良臣與焉國人哀之為賦黃鳥
之詩穆公十六傳為孝公時六國擯秦不與
盟會公乃發憤任商鞅以政遷都咸陽吞噬

變令法

列國鞅變法令廢井田更立稅法鞅嚴酷臨

渭水赤

渭論囚渭水盡赤既而公子虔告商君商君

為法自斃

欲反發吏捕之商君出亡欲止客舍舍人曰商君法舍人無驗者坐之商君曰為法自斃

車裂

一至于此去之魏魏內之秦秦車裂商君以

狗然商君之法秦賴以富强故不變○孝公

薨惠文王立使司馬錯取蜀僭稱王蘇秦說

破合從

六國合從拒秦既而惠文相張儀破合從使

六國連橫事秦六國畏秦強皆割地求和惠

文薨武王立樗里疾甘茂為相武王有勇力

絕腹

好力戲寵力士烏獲孟說與說舉鼎絕腹而

幾致死

薨於是昭襄王立稱西帝立齊湣王為東帝時魏人范雎嘗從魏大夫須賈至齊雎受饋

金賈歸告魏齊魏相幾致之死雎乃更名張祿

何一寒

入秦為相封應侯及賈至秦雎敝衣微行見之賈曰范叔固無恙何一寒至此乃以緋袍

緋袍戀々

賜之己而賈入相府雎坐堂上賈謝罪請死

雎曰汝辱我有三所以得不死者以緋袍戀

戀有故人之意耳為我歸告魏王急持魏齊

頭來賈歸告齊後齊自殺魏王以其頭歸秦

持頭來

○范雎為秦陳遠交近攻策秦蠶食六國六

臨朝歎

何見晚

身名俱全

范蔡代

國益削己而取韓趙地將及周赧王恐遂伐秦為秦所敗於是獻地入秦○秦王臨朝而歎曰內無良將外多敵國若之何范雎懼燕客蔡澤聞之西入秦先使人宣言于雎曰蔡澤見王必奪君位雎召澤讓之澤曰君何見之晚也夫四時之序成功者去大夫種何足願與雎謬曰殺身成名何不可澤曰身名俱全者上也語曰日中則移月滿則虧君宜變計矣雎遂薦澤澤為相數月免○昭襄薨孝文王立孝文薨子楚立是為莊襄王○莊襄

薨子政立是為始皇時年十二

16
7
30

十八史略

卷之一

東田舍

漢代十八史略卷之一附三史畧終

大日本教育會館

第 四 五 號

二 架

一 八

冊

七

特32

278

163

003134-001-1

特32-278

十八史略 (漢土歷代) 附, 三史略 卷1

藤田 久道/編

M12

ACC-1203

